



11073

悔餘庵詩藁



同治乙丑仲夏  
葉於鳩江歲擘

悔餘菴詩稿目錄

卷一

古今體詩六十八首

卷二

古今體詩九十八首

卷三

古今體詩九十八首

卷四

古今體詩一百三十九首

卷五

古今體詩一百三十四首

卷六

古今體詩五十二首

卷七

古今體詩一百四十四首

卷八

古今體詩一百六十三首

卷九

古今體詩七十二首

卷十

古今體詩一百三十首

卷十一

古今體詩八十五首

卷十二

悔餘菴詩稿目錄

半畝園藏書



古今體詩二百一十首

悔餘卷詩稿目錄

二

牛畝園  
藏書

梅餘菴詩稿卷一

江陰 何 棻

廉防

古今體詩六十八首

甲午至戊戌

哭六姊

原作約百首今記其十

廿五年來謫謫宮絕塵本有道家風才分心血消磨盡半在詩  
中半病中

細雨斜風送出門當時氣色黯銷魂枕中詩在頻揮淚不辨新  
痕與舊痕

壓折天桃一夜霜淒然何以慰高堂可憐老父家書到三日  
前猶寄藥方

千里迢迢竟未知病身總仗藥扶持異時家信頻仍寄猶恐慙  
慙問六兒

梅餘菴詩稿卷一

一

牛啟園藏書

姊妹花開總不離此番相見更無期瓊花本是瑤臺種王母來  
收第六枝

神鍼自繡嫁衣裳誰料熒煌歷歷裝人世因緣三十日抵他牛  
女卅年長

分手匆匆一月纔尼行無奈瘡為災不堪撒瑟傷心語七弟如  
何竟不來

慧業天生酷愛詩四聲翻以弟為師嘔心佳語流傳偏始信癡  
心不是癡

瘦秋詩集有遺聲鶴背珊珊瘦骨輕卸被世人知姓氏前身可  
是許飛瓊

七字纏綿伏枕吟燈前鬼氣已森森一編不忍頻翻讀疑有鍼  
芒會刺心

姊出閣後於枕畔得聽兩思親絕句云燈影欲殘風自冷淚珠還比兩珠多予詩其詩有鬼氣不祥之兆

蓋絕筆也

丁酉春二月十九日汪北魚翼鯤錢蔭湘維樾偕錫山

孫子飛見枉招遊君山梅花書院別後北魚以詩索和

卽次原韻書院為家大人修葺五稔始蕪工

種梅三百樹泉石凝餘馥風流在吾黨肯使蘇公獨春寒  
蹇遊屐興豪卧不服峰仍江上青疇鼓湘靈曲指客得三人行  
歌來不速聯步入翠微擺脫塵羈束洗此雙瞳光一瀉江水淥  
鬪茗沁芳泉圍坐騁幽矚韻事屬汪倫豪吟動成牘錢君好手談  
情未攜棋局狂招孫子荆漱石枕飛瀑我與山為鄰遊山我最熟  
忘形恣談笑隨風唾成玉空青灑衣袂松濤瀉萬斛徘徊不能  
去選石踞巖腹自匪屈靈均敢笑人皆濁醫俗乏靈丹孤懷抱  
元逸昂首一長嘯驚起蛟龍伏逸情與雲上不受風靈榭長揖

悔餘菴詩稿卷一

一

十畝園藏書

謝青山將乘牛渚舳抉漢分天章攜向人間讀歸當此痛飲江  
波釀醅醪得句問山靈驚得山靈哭鏗然沈暮鐘起視扶桑綠  
梅花耐寂寥不款師雄徧行行送客歸足音寄空谷

過汪北魚香南齋時攜琴僧墨隱畫史吳冠英遊大小石灣久待不歸賦此卻寄四首

一庭花木半牀書省識詩人小隱居種秫有田娛靖節時北魚

門先生解賣文徒壁陋相如樓臺自擲天然畫門甚常停長者令祖海

組歸里車報道人遊未倦春山載酒樂于予

海嶽搜尋小洞天桃花迎笑識詩顛屐喧靈運驚山賊琴撫成

連續水仙緇白談禪參馬蹋丹青寫本待龍眠只愁采藥迷歸

路飯熟胡麻定有緣

香南齋裏坐逡巡觸目琳瑯色色新開闢謨觴輸此境摩挲端

視比斯人詩文磊落難爲敵金石燦煌信不貧莫羨瑯嬛稱福地一牆便已隔紅塵

到家剛是月來時拌被山靈笑客癡今雨長吟杜陵句春風偷

讀竹龜詩北魚別號竹龜居士夢中高惠應知路別後汪倫定有辭更約

尋花謀一醉莫教零落碧桃枝

汪大翼鯉買舟載酒約爲承墩之遊遇雨不果

桃花一笑春風顛花中疑有天台仙天台仙子舊相識契闊紅塵二十年紅塵夙負看花債見花時下元章拜平生手蠟屐一雙踏破三千花世界汪倫情比花潭深沽春不惜雙南金清溪曲曲通香國桂楫蘭橈約放吟一春三月半風雨風風雨雨春無主鳩嗁鷓鴣喚不可聽有情終覺天難補補天何術駐春光迎春送春飛燕忙重簾不隔燕來去胭脂溼染烏衣香風吹斷

悔筆詩稿卷一

三

半畝園藏書

香溪路詩狂久受東皇妬南陽高士仙緣慳不敵溪頭老漁住漁舟款乃自瞽瞍花落如何載酒行憶花空有尋花夢終負汪倫一往情情深聊向詩中說詩成卻奉花神閱花神寄語勸諸君相思莫嘔奚囊血

次北魚見贈原韻

君能仿古我翻新著手平分兩樣春彝器追摹三代物詩龕供養六朝人性情本不拘成格山水如何受俗塵更築糟臺把雙杓白衣莫遣往來頻

偕汪北魚翼鯉諸子登君山梅花書院試龍井茶書院爲

國初學使蘇公銓讀書處先大夫就其地拓屋數十間俾邑人肄業

緇衣萬斛塵羞與山靈見十日不登高眼界小如線今赴故人招又覩山靈面手攜龍井雲烹泉學茗戰茗香泉復甘詩意胸

中鍊長天展雲藍光掩溪籐豔孤塔對搖筆澄江供洗研吟成  
莫久坐久恐滄桑變我來山如迎我去山如戀游思落天外餘  
霞飛片片

天女散花圖

禪和守枯寂學佛舛門徑自我有眼鼻卽與色香競不隨歡喜  
緣安得清淨境天女來何從空中立腳定臨風一指揮花起因  
風迅一花初迴翔千花相掩映千花如一花花見佛性有花  
是因緣無花乃究竟眼鼻於色香如影在明鏡又如月在水如  
寄亦如贈如是現身說若爲點頭聽

題終南進士圖

電光睽睽搖雙瞳虬髯颯爽生秋風綠袍襪襪革鞞橐此是終  
南進士公終南血石千秋紫名經一捧英雄死方千便受黃麻

梅餘春詩稿卷一

四

半欲園  
藏書

封不才難雪生前恥三尺龍泉風夜吼大鬼狂跳小鬼走半生  
抑鬱不平氣不能殺人乃殺鬼榴花紅照菖蒲綠一尊拜爵中  
山醪雄心九死尚擎雲卓午天庭吐光旭

書號舍二首

又作封侯夢黃梁飯熟不偃饕吳市丐跼踣楚冠囚妄想紗遮  
眼難堪屋打頭淒然風露下更鼓動層樓  
依樣胡盧畫文章誚墨豬字形訛伏獵夢境斷華胥掃禿生花  
管揮殘帶草書三條官燭盡得失意何如

秦淮雜詠八首

舞謝歌臺處處新水雲爲界月爲鄰平分虎踞龍盤地半著鶯  
愁燕惱人鏡下芙蓉占及第門前楊柳解藏春秋心寄與文波  
綠客到青溪喚渡頻

金碧樓臺繪六朝，祇今秋夕勝春宵。三更燈影搖歌舫，十里脂  
香膩畫橋。甲帳鎖雲誰夢熟，丁簾鉤月總魂銷。秦箏趙瑟東西  
是小字，何從記楚翹。

紅闌十二記西家，水榭風廊認已差。燕子窺妝頻入幕，鸚哥解  
語慣呼茶。停撓是處迎桃葉，倚枕何人夢榜花。祇爲朱顏輕一  
笑涼篷鎮日弄橫斜。

花榜泥金署兩楹，姑蘇字樣注分明。能消六代英雄氣，漫博三  
生薄倖名。紈扇爭題名士款，瓊簫偷送美人聲。眼中自分因緣  
淺，卧聽笙歌到五更。

賣花人唱夜來香，各自憑闌鬪晚妝。何惜揮金徵北部，儘教窺  
玉倚東牆。輕迴響屐迎歡悄，私解明璫送別忙。我有閒情消不  
得，斜風細雨耐秋涼。

悔餘舊稿卷一

五

半畝園  
藏書

繡戶迎風徹，夜開柳枝無主。繞章臺朝添十斛青螺，價暮燼千  
條絳蠟。灰蓬梗最憐人老去，桃花應笑我重來酒酣厭聽紅牙。  
拍鐵板銅琶唱一回。

板橋何處媚香樓，零落桃花扇底秋。月落更無圓缺相水流，不  
盡古今愁。雙鸞學舞羞明鏡，五馬思歸典敝裘。寄語烏衣諸子  
弟，漫隨梁燕踏簾鉤。

絕代蛾眉淡掃難，衣香鬢影太珊珊。熱腸只要黃金買，冷眼難  
當碧玉看。夢裏生涯魂易斷，空中色相指誰彈。風流自合推江  
左，絲竹東山有謝安。

雨花臺

屣脫河山奉釋迦，甘將袞繡易袈裟。座中荷荷曇雲散，郭外蕭  
蕭夕照斜。四百樓臺多宿草，三千世界盡空花。登臨莫問興亡

事木末亭前賦楚些

莫愁湖

畫圖依舊寫眞湖上樓臺幾度新  
靜與山光清與水瘦宜秋色  
淡宜春南朝那得埋愁地  
北里猶多賣笑人小住卻依雙海  
燕鬱金堂裏話逡巡

清涼山

蒼茫獨立翠微亭眼底嵐光繞  
郭青松頂雲盤飛鶴住竹叢風  
嘯卧龍醒買山可惜山無主  
拜佛都應佛有靈坐對莫愁湖水  
碧藕花香裏一舟停

隨園

一碧檀欒畫欲昏半依城市半  
依村直從仙佛爭山水能使文  
章護子孫似續已流三世澤

太史後人居此已三世矣

聲名長駕五侯門清

悔餘菴詩稿卷一

六

半畝園藏書

才分合邀清福我願天池洗鈍根

燕子磯

虎踞龍蟠地偏容燕子飛前朝如逝水  
終古此危磯亂石和雲墜遙湍誤雪霏  
松間危坐久空翠溼征衣

金山

四百南朝寺樓臺此獨深江山千里目  
笠屐一生心塔險扶雲立鐘寒抱月沈  
中冷清欲絕爲我浣塵襟

戊戌上元日計偕北上賦此

鳴起驪駒送別聲梅花明月滿江城  
雲山莫復回頭望塵海從今放膽行  
鑄我有爐憑造化牽人如線是功名  
本來身世同棋局此日初開第一枰

十一月又三日蔭湘招飲於紫薇花館同人卽席賦詩

分天涯誰是酒同僚詞句爲韻得僚字

龍華驚謫羣仙曹風流雲散誰爲招紅塵十丈落人海遽廬天  
地浮生僑芙蓉江頭亘奇氣山涯水涘開詩寮疎星落落幾知  
已旌旂對舉詞壇高登壇抗手執牛耳可以凌轍風與騷雄心  
傲骨兩不讓分疆畫界稱人豪翰墨因緣有神契高情奔軼雲  
霞交琴囊茗椀數徵召三日不見思鬱陶天寒雲嬾欲釀雪攤  
書孤坐殊無聊輟吟不覺食指動紫薇花館伴來邀衝寒健步  
出門去行腳有如僧打包登堂不作揖拜禮主人客子皆逍遙  
清談捉塵少延竝相如後至鄒枚驕須臾展席列華筵杯盤絡  
繹修家肴將軍此腹豈負負詩腸寬可千鍾澆虎頭食肉擅奇  
相清饒哲學髻蘇養低斟淺酌不稱意侏儒一飽空君庖狂奴  
故態勃如作拇戰突與羣雄麀沈酣痛飲不知暮爛兮紅燭雙

梅餘菴詩稿卷一

七

半秋園  
藏書

高燒破除舊例出酒政森森軍令監遁逃橙黃橘綠檢詩料奇  
思迸入霜窺毫八又妙技久純熟彈丸脫手如宜儉縱橫筆陣  
掃儂弱爭以後勁丁前茅長城卓立鐵如鑄攻堅直使偏師撓  
千鍾百鍊構奇傑殘盃度閣中山醪對酒欲醉不得醉搖搖坐  
斷詩人腰岸然擲筆笑而起凌霄吐氣虹如橋詩城佳境各自  
領朗吟不許攙喧囂隨風唾咳落珠玉自然天籟諧笙簫詩狂  
酒狂兩無敵醒狂更欲追寬饒停杯啜茗興未已後期又指梅  
花梢人間極樂不多得清福要與吾儕消吾儕俱養只此足有  
酒一頽詩一瓢可惜名韁苦拘縛燕臺促我驅車勞行將揮手  
別鄉邑關山千里吟鞭敲人生離合本無定因風聚散如浮藻  
諸君幸各負奇偉珠光劍氣誰能韜何當聯袂踏風去大羅天  
上和雲韶

題北魚綠梅花下詠詩圖

寒香壓詩骨花朵輕於棉堅瘦一枝筆寫破彤雲天筆所未到處疎影爲之填微吟寄孤寂驚醒羅浮仙靜悟不可說笑拍朝雲肩

題程曉亭蘭如貞女詩稿

天豈蛾眉忌文章厄薜華塵心芟碧草詩骨斲瓊花雲奪迴文錦風生步障紗一持冰雪卷直勝搥黃麻

舟次召伯埭趙春畦大有秀才畱飲席間贈趙小莊福

千戶二首

百尺樓頭踞此身千秋湖海屬斯人陳登自昔爲豪士汲黯於今是戇臣擲地飛聲詩句健倚天吐氣劍光新狂歌不惜從君醉一洗胸中十斛塵

悔餘舊詩稿卷一

八

半畝園藏書

滿江紅是岳家詞競病吟成亦我師對酒不知賓與主揮毫真覺畫皆詩破除壘塊歌三疊推倒英雄筆一枝可惜風塵相見晚不堪春樹動離思小莊能書工八分畫法奇逸酒後歌邊聲以筋扣盤和之妙合宮徵絕技也

贈趙春畦

結客場中猶有聲酸鹹嗜好最分明雙南直欲募詩佛三北何曾避酒兵肝膽向人惟古道性情於此見生平他年倘翦窗前燭掃榻京塵話舊盟

邳州道中作

直自南天到北天客程那復計三千名心未淨爭先路傲骨禁磨趁少年入世有情皆眷屬出門無病卽神仙趨庭不作離家想一望燕雲一快然

圯橋

一擊倉皇中副車少年意氣太粗疎通靈獨有能言石歷劫猶  
存未燬書千古韜鈴今闕佚五更風露我踟躇往來不見飛鳧  
落畱意橋邊野老居

望芒碭山感漢高帝事

蒼茫雲氣隱芒碭逝水功名逐鹿忙三尺劍非無與敵一杯羹  
幸未曾嘗韓彭忍使陳豨誤平勃陰爲呂雉防慷慨歌風兩行  
淚英雄難免笑郎當

燕太子丹墓

荆卿報知己太子死社稷咄哉樊將軍頭顱真可惜事成不成  
誰得知祖龍之魄爲爾禡君不見圮橋孺子帝者師當時乃有  
博浪椎

禮闈被放自遣

悔餘卷詩稿卷一

九

半畝園  
藏書

十載功夫比蠹魚鳴珂慚愧故人居文章奪命原難事收拾名  
心補讀書

贈同年生姑蘇馮林一桂芬二首

蘇家豪俊米家顛醫俗能令骨亦仙人與奎光同一謫我望劍  
氣已三年下風甘作低頭拜今雨新畱把臂緣始信文章有神  
契天涯相見倍拳拳

芙蓉江上理詩筒記與湘靈和曲工尊酒未經陪北海瓣香久  
已屬南豐手神絕世癩如鶴意氣凌霄巨若虹十載名場無一  
當榜花獨幸與君同

寄荅仰琴齋振瀛汪北魚翼鯤初春贈別三章

無味乃至味無香乃眞香清冷一勺水釀成酒漿春風杳然  
來百卉爲之芳本來抱生趣英華非濫觴古人任性情重樸輕

文章所以君子交淡極情彌長

雅俗既殊尚藻鑑相浮沈通才望吾黨扶輪誰與任古調日淪落宮商若可尋鳴絃急索解安得真知音式好不相見同苔常異岑生有傲俗骨而無輕世心

予生苦椎魯腹儉心殊奢汲古乞芳潤瀝液斟百家智慧日以長養心如養花葆此方寸地無使毫釐差爲薰勿近猶爲蓬當近麻努力各自愛學海茫無涯

竹柏軒圖爲陳母楊孺人賦

繫嚶水之名軒兮交竹柏以爲陰竹則有節兮柏則有心不改柯而易葉兮貞匪石而堅匪金金有時而鑠兮石有時而爛乃眞氣之蟠結兮薄虹霄而不散維有媯之賢女兮爲宏農之淑媛生世之不辰兮凋嘉陰於椿譏幸鳩居之可藉兮將鳳卜之

悔餘詩稿卷一

十

半畝園藏書

是論父吾舅而母吾姑兮願伺色笑於晨昏嗟塵劫之未有艾兮絲方繫而忽斷何此鏡之易破兮矧君牀之未暖君有二人兮妾無二天終君之擔兮始妾之肩妾爲婦兮婦爲女慰存往兮同室處奉栗主以成禮兮愴幽靈其相許薦修灑而必潔兮如冰蘖而不辭冀瓜綿而椒衍兮撫猶子以比兒伊苦心之誰亮兮上碧落而下黃泉篤女之貞於十七歲兮完母之節於七十年噫呼乎柏有子兮竹有孫芘奕葉兮如生存貞琅嶽嶽兮高不可捫輝煌綽楔兮旌其門望佳城兮陽山之陽闕清徽於不朽兮播芳風於未央如山之高兮如水之長靳之以百年之伉儷兮報之以千祀之馨香願斯圖之永寶兮子孫世守而勿忘

贈姑蘇楊雲亭定夫二首

無端萍水教相逢對酒同澆磊塊胸千里壯心追老驥一生豪  
氣壓元龍熱腸祇恐絲難繡俠骨能令鐵不銹人海如君知有  
幾風時修竹雪時松

方寸心如霽月明照人肝膽見生平拏舟膠水初相識翦燭巴  
山共此情盡醉但餘三葉量司香能記百花名槎枒芒角胸中  
吐對榻高談盡五更

驚絃集爲無錫錢友三慶會秀才題

鏡破不復圓琴碎何堪撫錢生一寸心乃爲愁所府情天忽然  
裂鍊石不能補永夜泣鰥魚抱恨將終古豈期三載中兩見曇  
花吐我讀驚絃詩淒斷如何譜因詩見君心心比蓮萼苦昔聞  
月下人手綜因緣簿式好諧鳴琴再世期相許合歡與蠲忿永  
言堂背樹錦瑟絕離聲玉環銷識語錢君一聘一娶皆無故自縊珍重繫絲

梅餘香詩稿卷一

十一

牛畝園藏書

時締之長命縷

秋燈竹屋圖爲姑蘇張節母賦

彤管揚芳徽載筆誰之責鯁生蕃柔翰將以銘潛德清河溯女  
宗闡儀徵靡忒如何並蒂花心苦不成莠葛藟縈南樛燕蘭夢  
始久方聞么鳳鳴遽折文鴛翼孀孤靡所依饑寒矧相逼竹屋  
聲搖搖支離如欲折秋燈光熒熒慘淡若將熄當軒機杼聲中  
宵鳴唧唧投梭起長歎風雨爲之泣松柏節逾勁桑榆景何迫  
眷言報春暉寸草心彌惻及今湖芳儀音容渺難卽想像復描  
摹淚和慈孫墨清冰一片心祇愁傳不得

爲邢節母張孺人賦

芳華散塵劫不朽安可卜清節亘霄漢靈氣住而續城南古路  
隅貞珉光嶽嶽赤文儷綠字風雨不敢剝摩挲一再過使我衣

冠蕭摘詞托彤管太息誌邦淑女也生清門閨儀幼嫻熟迨其  
嬪邢侯風琴調古樂六載叶和鸞一朝淒寡鳴生死此時難迴  
腸如轉轂上有白髮親無子親誰屬下有黃口兒無父兒誰育  
從死夫心傷孤生妾心惡強起侍親顏含酸課兒讀艱辛廿八  
載完此傷心局青冥何魂魂奪齒乃予角金石永之壽琴瑟慳  
其福芳風播鄉邑可以振頽俗冰雪含清暉千秋照江曲

題江右魯敬丞

邦望

上舍小影

魯侯卓犖人中雄傲骨不爲塵羈籠人間閱歷三十載槎枒磊  
塊填其胸江湖滿地溢苦海風其吹汝如飄蓬百年身世半離  
別寸心乃積愁千重牢騷恣意一揮手五絃彈破紅塵紅平生  
本非善琴者按譜不知商與宮一彈再鼓入天籟超以象外仍  
環中指頭盤屈鬱奇氣我知安道非伶工

悔簪卷詩稿卷一

十二

半欒園  
藏書

爲友人題照

畫正偏二相  
於松下對弈

泉石煙霞到處奇也如形影不曾離松風夢想三層閣桑海蒼  
茫一局棋奪劫尚餘仙骨在結緣惟與化身宜眼前境界都清  
徹明月梅花更屬誰

規李笛漁

斌

入世難尋避債臺柳車遮莫送窮來天涯何處無青眼不爲金  
多未肯擡

不到曹騰不放乾縱橫豪氣酒杯寬醉中便露狂奴態須要防  
人冷眼看

情太纏綿骨太柔可堪到虛說風流廣平不是心如鐵賦到梅  
花便買愁

孤行端不藉人扶七尺原非小丈夫眼底無花胸有竹呂端大

事不糊塗

送祁幼章

宿藻

太史赴都二首

風塵一月逐輪蹄金石盟從客路締雅誼相爲酬編紉深情曾

不判雲泥

時其仲兄清甫先生視學江南去秋給假赴署予因借之旋里

聯牀話結忘形契畫

壁詩拈得意題天上神仙勞想望分光今許近青藜

眉山家世是文章棗萼分流翰墨香紅杏詞名驚小宋青蓮才

調奪初唐池塘人夢研思熟花木逢山索句忙攜我江南名勝

去幾多風物在詩囊

北征百韻

我生江以南福地於焉宅胡爲遠道行忽若游仙謫長途跨三  
千小劫罹五百關河並以眺叱咄嗟于役瞻望戶庭違周旋形  
影隻感別腸已寸封侯面非尺功名誤懶人風雨欺生客回首

悔集詩稿卷一

十三

牛放園  
藏書

觸離棕笠眩迷去迹峰沈江上青水渺淮南碧九曲度長河重

來循古驛轍迹錯琴絲鞭聲儼裂帛箠揚糠粃同顛倒衣裳亦

伏囁晦明澆開宿混沌剗颺寒雙手轍泥滑四蹄蹙猶雨溢荒

蹊沈沙霾斷積大力托扶輪小心防折軛跬步方艱辛前驅又

險僻路經山左山局變奕秋奕踵旋我如棋面黧人豈璧塑成

吳興泥跌碎曼卿石輪掀霹靂飛轡偃灰埃積噴帝鼻沙糖撞

耶頭棒捫帽簷整復歪襪線縫旋圻磨穿袴犢鼻裂碎狐裘腋

藏垢蝨可捫走險鹿難擇蚋蠅囹伏龍則劣峰攢戟磨蟻噬盤

旋輟駒苦踟躕百折歷蠶叢千盤接鳧繹海岱自終古魯齊非

夙昔望氣湖文明聞聲態橫逆朝三詐挾狙夜半嚴防蹠客舍

奸相因女問敝未草妝慵婦髻椎貌寢翁髯磔鳩形豈易摹蠻

語殊難譯城郭隱巖阿室家叢嶺隙穴眞烏鼠同市鮮魚蝦易

馬勃兒僮爭牛鬪居處迫札闌土風沿勒碑文字甃瓦鱗於繡  
紳石齒傲籬柵山居皆疊石編得塗泥以危牆簇薪薰苦井流

鹹馮膏梁百室盈黎棗千園闌村荒樹匝楊寺破枝糾柏天棘

競披離地瓜羣採摘土人呼山黃為地瓜駮寒熟木皮墾土逃租額山田新墾

者皆不輸租栽蔬滋鬱蔥黍徧礪瘠彼居甘若薺我往苦猶檠過

午始休休呼庚方嘖嘖飢死嘲曼情瘦生憐太白加餐詩漫題

乞米帖難獲粥忘單公諱穀羨畱侯辟吻已等鳴張腹難謀鼠

碩不乃薦塵羹來其調冷炙雞助雜酸鹹豚肩臠脯腊登盤耽

虎視投箸委狼藉湯憑綠豆澆餅當紅綾孽斟茶色味渾積炭

輝光射指衣癢孰搔塗壁疵堪擗孤吟亦惱公強醉非歡伯燈

看斗室明壁印旗亭畫解顏青眼垂按曲紅牙拍露草漫踟躕

風花深惋惜絲麻廢女紅絃索調公亦當歌怨不辰獨寐愁何

悔餘菴詩稿卷一

牛飲園藏書

夕泥沙撲枕衾稽得編茵席風柝五更喧月輪千里隔一自燕

辭巢雨經蟾吐魄名心半欲灰歸夢全難索披衣護背寒束帶

知腰瘠木強手頻义久烘頭可責重裘何雜穢疊絮猶絺絺給驚

寒馬戀棧報曉雞昂幘癡眠僕墜鞭狂跳僮墜烏口號厭喧逐

腰纏防棄擲惶恐出層嵐歡愉馳廣陌路笑魏三熟威驚膝六

赫躡雪畏逡巡聽冰疑躑躅先路輪劉琨窮途誤阮籍望闕喜

非遙趨庭憂始釋六時生吉祥一切度苦厄塵息道途闕室承

言笑啞傳經課圖史視膳修肴核竹報署平安萱顏滋悅懌自

經行路難益念承歡劇北月正依依南雲殊脈脈三春有寸心

兩顧無長策輾轉腸如輪徘徊心匪席將藏霧豹斑且展風鵬

翩初懷答蓬矢夙願酬蘭披桃李結新陰煙霞痼舊癖春申指

故都揚子乘歸汐江蕤一釣竿巖桂雙遊展忻隨杖履旋快賦

田園適子以菽稻梁因之辨菽麥安排燕寢觴檢點兔園冊入  
室情融怡塞幃語促刺靈椿葆華滋慈竹緜枝格詩因棗萼麇  
頌亦菽花摭真誇我室馨肯厭吾廬窄天涯倦且休人海勞何  
益行樂當及時懷哉詞無斃

悔餘菴詩稿卷一

十五

半畝園  
藏書

梅餘菴詩稿卷二

江陰 何 棻 廉昉

古今體詩九十八首

戊戌至辛丑

戊戌秋八月偕祁幼章

宿藻

吳和甫

存義

葉庚亭

聲揚

三太史出都庚亭以瘧卒於雄縣旅次當時曾料理之  
今歸殯矣過而感賦

歸殯凄其泣倚閭重來感舊愴何如浮生始信同樛鳥仙字真  
能化蠱魚長吉妙才天亦愛少陵奇句鬼難驅遺文料理還君  
處惟望歐陽讀父書

題同年生涇縣吳少錢

崇壽

小影

春水釀醪醪齊州多酒泉還將變滄海墾之為畝田我欲築糟  
臺高躋華岳巔靈境拓千古古人來我前相如願滌器文君工

梅餘菴詩稿卷二

一

半畝園藏書

數錢北海召賓友東山攜管絃劉伶荷鍤來阮籍當壚眠尚書  
方中之吏部已頽然山公曰浮拍陶令時流連狂呼杜陵老舉  
手招八仙署門擯俗客投轄嬉羣賢左挹釀王袖右拍翹生肩  
安知獨醒人睥睨笑我顛今我旅京邑乞米猶遷延一醉不終  
日一醒恆經年長安多酒家何必無青蓮仍當就君飲一舉累  
十千花月自然好湖山應有緣何時巨靈掌闢此壺中天胸中  
九雲夢吐為霞與煙

送薛靜山

永年

旋里四首

身世何從問碧翁莫將頭腦笑冬烘張王李趙多名下沈謝曹  
劉豈暗中十載功夫慚芋火一春消息誤蘭風胡盧畢竟還依  
樣自悔年年畫未工

歸輶南去散如雲伴我清寥日與君契以無言真菊淡藹然有

味比蘭薰黃初筆格渾難擬白也詩情果不羣豪氣何妨一傾吐且持杯酒共論文

高才真覺斗難量南阮何曾是酒狂奪席談經無一短挑燈論史有三長知心幸接東西解抗手時分上下牀情話喃喃風雨夜興來忘卻在他鄉

故山風物盡情談客裏年華屈指三南岳獻嘲非我願西河留守更誰堪浮沈人海書何補離別天涯酒不酣雲樹纏綿勞想望索居况味幾時諳

薛四自都之晉遂將南旋以詩畱別復賦此章答之

故人乘雲來天街縱遐矚掃榻話鄉邑蘭言慰心曲靈襟託昕夕懽宴苦不足君身抱仙骨俯仰吐雲濁君才雜仙心離奇駭凡目茲行入邯鄲孤踪躡仙躅茫茫古人夢還以後人續嗟我

悔餘春詩稿卷一

一一

半歌園藏書

夢中身塵羈久局促缺掌休無時華胥境日蹙何如一尊酒狂吟破蕉鹿君今獨醒者沈酣豈諧俗紅燈照旅壁驅夢飛詩牘龍蛇幻奇字畱與神仙讀神仙無世情長生亦何樂紅羊散塵劫松喬相向哭書騰世不省扶桑變寒燠惟君有同願息影眷初服渺渺江之陰雲峰古逾綠山禽呼酒來奇花禿芳木融風襲襟帶獨笑抱雲宿惟聞夢香草莫問黃梁熟君歸今有期佳處仍茅屋溪山我舊遊如何讓君獨

同年生餘杭邵蕙西

歲辰

乞假歸省瀕行索詩得五律

四章

同是天涯客君歸我不歸睽離三載久落拓一官微禁蘊隨班入家山與夢違秋風吹祖帳握手更依依

北來陪鯉對南望念烏慈乞米貧何補離家夢不知愁多惟有

酒興盡欲無詩寸草心常在成名重繫思

當年誇秘閣今日薄閒曹羨爾曾鼇頂嗤予亦鳳毛頭銜先粉

署骨相稱官袍各有凌雲氣登天敢畏高是春與中正榜者六十八人君得首選

客路三千外親年六十餘有家歸亦得相送意何如視草辭華

省看花奉板輿嵇生莫疎懶時事正相於

京師八月十五夜

季鷹歸興滿江東莼菜鱸魚幾度風遠道三千思渺渺清秋一

半去匆匆久離鄉國眠常晚初著朝衣舞未工薇省有緣藏我

拙柳車無計送他窮生涯守黑曾磨鐵夢想飛丹爲點銅牛渚

浮槎須萬里鳳城儼屋只三弓春官偃蹇詩難好秋士牢騷酒

易空翔葉夙耽家釀綠木樨近憶故山紅蹉跎歲月將愁補迢

遞關河與夢通天上乘雲歸去便家中看月想來同柔情締結

悔餘舊詩稿卷一

三

牛歌園藏書

幾成爾豪氣銷沈尚化虹鴻雁欲來傳信鳥蟾蜍常作寄居蟲

誰憐獻賦金門客自比填詞玉局翁爲語嫦娥莫相笑寂寞還

勝廣寒宮

題友人踏蘆渡江小影二首

學佛無緣且學僧是誰衣鉢與傳燈十年塵夢如流水面壁工

夫我未能

色相誰摹丈六金中流一葦任浮沈逢人倘問西來意但說多

情是佛心

題同年生泰興吳和甫存義雜著并引

辛丑中秋後五日佛寮秋寂客齋晝閒因過訪和甫

相與劇談雞窗倒執塵柄磅礴吐濁塵零自清槎柯

抱奇芒角欲出晨夕過從如吾兩人者希光陰往來

蓋已三年於此於時狹坐破寂狂呼買春清酒爲歡  
此樂何極奇文共賞昔人所難既攬詩詞復挹文翰  
摩埃徐庾凌轢蘇辛燒鼎已丹唾壺欲碧探驪得之  
領下窺豹何止管中微斯人吾誰與歸得知已可以  
不恨佩此三絕弁之一章靈均鑿空之辭聊復爾爾  
昌谷絕幽之作不盡云云

瓊島秋高煙珮響清淺蓬萊打孤槎

丁酉同年生以戊戌登第者三人惟君得館選

碧玲瓏十二樓當樓擊出仙人掌掌中遺我雙明珠招我去讀

瑯嬛書人間奇字識不盡欲往從之心踟躕

君入西清卽以後來人相待今已春

風三韻 扶雲搖曳踏風緊鳳吹前頭整相引弄玉飛瓊呼姓名

雙鳧一落羣仙哂

予每過君聞聲卽知見面必笑穎士之僕亦有喜色

仙人峨眉芙蓉裳

古淡不隨時世妝續繡綠簡出金蓮蕊珠亂迸瑤草香一斛澆

悔餘舊詩稿卷一

四

半畝園藏書

書元碧酒金菜玉蔬非世有

君醉我必市脯味不如其常蔬

九華燈火搖天紅

論文說詩至禁鼓三聯 沈醉酣吟狂拍手繡鐵生花玉作根東風偷綠春

無痕清餘古雪凍山骨淡入流雲扶月魂嫦娥杵月玻璃碎金

粟零星灑鶴背

君言備之作多託之遊仙

將星補月月不收帝女黃姑自成

君時有買珠之議 劫蓮作寸中有絲絲短不如連理枝夢想

麻姑背猶癢沈吟宓妃心已癡情緣不許登仙續天上高寒抱

雲宿

君貧與子等奉板輿挽鹿車尚不可得明珠十斛豈易哉宦海苦海也

花漏深沈送我歸

夢中猶復喃喃讀

和甫以紙索書前詩卷尾題三絕補空

才調驚人說鬼仙西崑風格亦翩翩千花顏色千花樣開向春

風一例妍

難得天生好女兒淡妝濃抹想西施不須偷寫初三月橫掃蛾

眉也入時  
翦翦輕綃薄薄羅便將寒相笑貧婆寶山自有金如粟十斛明珠未覺多

送同年生何子永慎修乞假歸省四首

鳳皇池上領清班窗序居然大小山水部傳家詩句老參軍傲俗語聲蠻才情直與波同譎談笑能令石不頑客裏心交最難得今朝無奈送君還

同是江南嬾散人無端懷刺踏京塵東方跌宕誰容傲南阮疎狂只合貧燕草久迷歸去路江花欲減夢中春從君一吐青雲氣始信文章尙有神

侏儒乞米滿長安勑與冰銜署冷官懷璧已經三獻璞點金未得九還丹雲天有路蓬山遠澤國無租菽水難久別鄉關歸亦好吹笙重爲譜陔蘭

梅餘菴詩稿卷二

五

牛畝園藏書

又是天涯惜別時一秋常作贈行詩客中送客於今慣名下求名自古遲要駕終存千里願趨庭好慰二人思神仙忠孝須修到說向人前莫笑癡

題同年生臨桂龍翰臣啟瑞雜體詩稿

嗟呀桂嶺岩嶢峰中有靈氣茫無踪邇來神秀將誰鍾龍君英特人中雄文之麟鳳詩之龍手持百尺青梧桐裁琴奏之明光宮元音洞霄天改容嵯峨間闔開瞳矐乘雲飛去摩青穹陸離星斗羅心胸仙心仙筆相玲瓏正如游絲垂春風絲絲裊入微茫中又如春露香濛濛餘香一散千花紅有時姿態殊纖穠美人初卷眞珠櫳有時意氣飛長虹將軍霹靂鳴瑠弓有時劍佩聲和雌禹皋絺繡嬰笙躡有時古邈希黃農媯笙義瑟伶倫笛

有時疎野無羈籠，蘆人漁子橫孤篷。上躡少陵攀正宗，近支直  
接李崆峒。鎖鑰不傳門徑通，天衣自織無須縫。是有天巧非人  
功，三千霓羽諧且工。從君一洗箏琶空，憶昔左掖承清丰。囊詩  
橐筆陪歡，驚譬猶玉石相磨礪。君今矯翼扶桑東，我亦有羽何  
遽種。君翔我翥，還相逢。願爲落落無庸庸，願君爲麻我爲蓬。願  
我爲蒿君爲松，後來風概何人同。唐之梁公宋沂古，賢先路  
君其從。抱才要使垂無窮，勿爲揚子嗤雕蟲。

書昌谷集後四章

天矯赤虬子，飛下天之衢。帝成白玉樓，手板來傳呼。始知天上  
人不讀，人問書神仙。不可學學之，使人愚。舍冲抱元寂，坐令神  
智枯。班班香案吏，中有才人無。

梅餘菴詩稿卷二

一八

牛敏園  
藏書

筆豈無一花吐，仙才不如鬼。何不學鬼語，茫茫造化功。留與後  
來補捉筆，醮天池墨花散秋雨。

長吉善歌詩，作記非其才。文章蛻仙骨，或者新胚胎。咄哉叶律  
郎，上界何官階。天上葬神仙，不知今幾回。罡風掃河漢，下有昆  
明灰。何不乞長壽，還向人間來。

天上無藍田，如何種白玉。帝居何有樓，何土亦何木。神靈葆清  
虛，何爲侈華縟。我欲古仙人，燒永傳丹籙。踏天割雲根，鱗鱗鑄  
金屋。今朝望月圃，但見秋雲綠。

送龍九

啓瑞

乞假之武陵官署省視四首

鴛行同上鳳皇池，猶記聯翩入。直時翰墨因緣三月共，雲泥境  
地兩人差。龍頭戲語真成識，鼉背清才不愧詩。誇說春來好顏  
色，百花爭讓紫薇枝。

是科同取中書者中  
式十人九得館選

和羹端正鼎能調要與梅花解寂寞已奪霞標驚月地好畱風  
概薄雲香人間福慧修難到天上神仙望已遙從此胸中無磊  
塊狀元兩字可曾消

從君鼓瑟我吹笙客路知音倍有情三葉沈酣欺酒戶萬花飛  
舞擁詩城圖中蛺蝶偷新譜曲裏櫻桃記小名裙屐風流無俗  
相正堪把袂話生平

秋風策策送歸鞭想到萊衣舞欲顛東海門櫓宜駟馬西清侍  
從已貂蟬香添蘭草同徵夢笑看桃花不羨仙怪我迷津何處  
問春來要覓武陵船

題涇縣吳小舟年丈賞雨茅屋圖四首

纔聞好鳥喚提壺一一春山又鷓鴣尊酒未空人未醉不妨聽  
到雨聲無

悔餘齋詩稿卷一

七

牛畝園  
藏書

風吹不斷響瀟瀟來與詩人破寂寥我亦結茅山裏住繞籬喜  
種綠芭蕉

妍紅未瘦綠猶肥三徑泥香燕不飛領取明朝好春色杏花須  
買一枝歸

柳絲花片竹陰中漠漠新煙翦翦風知道吟懷比春好要拈佳  
句補司空

題同年生吳少眉鍾壽問天圖

少眉舉酒呼酒徒酒酣耳熱聲烏烏奇情填臆不我語近乃示  
我問天圖我知此圖有深意儵然筆墨非遊戲當時屈子離騷  
經呵壁蒼茫天亦忌吾儕行樂恣談笑樹蕙滋蘭豈同調不如  
大白落雁峰搔首高吟懷謝眺願君努力愛少年勿爲屈子爲  
青蓮祇今未奏清平樂且向長安對酒眠

吳大崇壽雲帆濟滄海圖

我昔乘海槎欲上蓬萊峰天風忽引去誤入牛女宮天孫遣我  
支機石笑語黃姑款生客低頭卻指三神山但見濛濛雲氣白  
虛無宮闕金銀臺下有弱水空瀠洞身無羽翼不飛度世人謂  
我非仙才東方肯受羣兒笑鶴骨嶙峋自成傲今我已從天上  
來那信飛仙修不到少錢洗髓滌塵凡靈符偷誦聲喃喃呼來  
一片雲裁爲千尺帆君但揚帆君莫誤徑欲乘風向何處憶得  
同時學道人獨立瀛洲久延芒玻璃水瓊瑤路我來鼓柁送君  
去天上神仙本無數

送吳少錢兄弟南旋二首

君家好兄弟同我客長安意氣各年少笑談常夜闌但逢花窟  
暖不放酒杯乾三日必相見別離方覺難

悔餘菴詩稿卷一

八

半畝園  
菴藏書

閒曹無一事時爲送人忙歸路及秋盡離人知夜長雪花寒淅  
瀝雲樹遠蒼茫安得兩黃鵠乘風相頡頏

題勞宜生

崇煥

雨霽看山圖四首

昔我舊遊處芙蓉三十三祇今聽雨夜猶復夢江南  
一雨送涼意四山無俗塵自然清到骨秋色好于春  
倩石碧於染懶雲頽欲眠風光隨處有不用買山錢  
平生幾兩屐復此一間樓蹠躩不歸去西湖空自秋

和袁厚菴同年紀夢原韻

不曾離別已相思記否重簾未捲時楊柳三眠端是病櫻桃一  
笑分應癡化爲蛺蝶飛難去夢到鴛鴦醒要遲待向東皇乞如  
願辦香私自撰青詞

題厚菴蒲團坐雪圖

咄爾何人人幻爾真以定中定爲身外身蒲團一個得著便坐  
不得不坐幾時坐破佛在坐處但坐莫卧行處立處有佛莫顧  
何處有佛如佛所云卽空卽色卽佛卽心心一心佛佛一佛  
千片萬片只一片雪未有雪時是何世界既有雪時本來何在  
不問本來但問當下有雪無雪誰使雪者此雪中人又何處來  
春風無言梅花自開

辛丑冬十一月初九日招吳清如

嘉益

前輩同年生吳和

甫存義馬穀生振衢袁厚安積懋吳淮尊其相黃采丞桐

勳消寒於一粟齋中分題四首

風帽

莫以冬烘笑主司我今頭腦亦如之何年驢背衝寒去逢著梅  
花插幾枝

風門

梅餘卷詩稿卷二

九

半畝園  
藏書

了鳥丁冬掩復開消寒一室勝樓臺臣心眞個清如水此外從  
無熱客來

風爐

煨芋功名未可期畫灰詩句正相宜煎茶漫說樵青好我有封  
家十八姨

風燈

形影相依歲月深往來寒夜重招尋照人古道如君少多謝光  
明一寸心

厚安以所和清如前輩詩見示因次其韻日前厚安攜  
拙稿去爲芸佩夫人所賞並以爲謝

維摩居士禪心堅祇有散花人比肩蒲團分坐足清供不合破

戒求肥鮮厚安欲賦小星而有三年之約母亦龍邱居士之比乎學佛要須見佛性綺語

可參篇外篇六時夢想恣游戲化身不憶猶能千迦陵慧舌弄

仙語蓮花對吐青如煙色香世界一粒粟兩兩法輪隨磨旋青

鴛飛來聽粥鼓歡喜饌我伊蒲筵我今行腳下靈鷲一入塵海

茫無邊眼前彌勒未生世三五阿婆方少年平生有願住香國

舍衛得金當鑄錢厚安與子時有騎鶴樓中人語辟支因果各未了當下不識

何人賢敢將世法說平等象王搏兔獅垂涎清如前輩原作皆用此意闍黎

飽吃十方供煨芋懶殘饑火煎安能恚怒與煩惱一切懺悔消

前愆金剛弩目怪饒舌低眉菩薩仍相憐但持半偈以心印又

得拈花一笑妍

題同年生王伯陶言鑄竹樓聽雨圖

廣廈千百間此願苦難足歲暮客長安枯坐甌椽屋間庭相隙

地頗可種修竹濛濛塵土中那得萬竿綠一日無此君使我三

年俗君愛黃岡遊選勝騁幽躅月波樓外樓風雅竟誰屬人傳

太守名名與此樓獨樓頭一片瓦愛惜比蒼玉騷人歌嘯地臺

榭亦有福自君趨庭來時復登樓讀詩韻正清絕卻與雨聲續

但聞風冷冷危檐嘯飛瀑鳴琴欲寫之高渺不成曲何來繪聲

手收以一尺幅極似東坡亭淋漓染墨竺胸中抱槎柯覩此倍

張觸我欲江南行不願黃州宿故山佳勝處亦有簣簣谷春來

新雨肥矮笋正堪束微參玉版禪勝喫花豬肉舊日讀書樓猶

在山之巖

厚安同年續消寒第二集同人用東坡江上值雪韻因

效集中游白水山宿蟠龍寺諸體爲之

功名不用鑽靈龜命宮繚曲誰能知北門雖寬耐交謫南郭不

逃工濫吹金多孰市駿馬骨珠盡空捋癡龍髭君將爐火暝同  
澤相與墨池呵凍澌羣雄互角酒兵健偏師直搗詩城危那容  
札闔署凡鳥競欲摸碑謎色絲十年鉛槧竟誰是三寸毛錐徒  
爾爲登天不信有階級據地可憐無挾持敗鼎燒丹想鍊骨劣  
書乞米慙銘肌雕龍恥我類名士躍馬笑人充健兒旋頭南指  
已彌月鏡吹北旋知幾時建節空勞欣飛掌運籌遙設文成帷  
傳說陶朱有奇術始疑衰鄂非英姿黃耳猶曾答參養赤心何  
乃隨澆漓惜哉無人削白節重以此事陳丹墀今朝斗酒且痛  
飲老仙詩卷還同披低昂漫擊唾壺缺踟躕甘引鹽車馳諸君  
猶是未雕玉他日莫爲無當扈東坡勝處步難學西掖暇時肩  
可隨酒酣揮手別袁盎驅馬出門何所之

穀生同年續消寒第四集同人稱述祖德歌誦清芬白

梅餘詩稿卷一

十一

牛畝園  
藏書

亮寒門恥攀華胄而官之冷詩之清意非水部不稱爲

賦一章

一賦梅花一悄然竹西歌吹落吟邊官宜水部何嫌冷身在揚  
州不願仙品格得之林處士風流分與杜樊川清芬世德憑誰  
續但論詩才我亦顛

厚安持扇索畫以並頭蘭贈之

湘沅澧硯池水九畹秋在尺咫墨如雨清無埃孕秋色花有胎  
蕊宮仙抱雲宿花玲瓏夢中綠君與我家南蘭蒔花處山復山  
山如何眉綠小比肩人似花好同心樹連理枝笑相看年少時  
肖花身爲君壽雙鴛鴦買絲繡

和同年生黃采丞見贈原韻

客裏農華不當春畫樓西畔想星辰出山小草真無地傾國名

花自有人錦字纏綿繁別緒絳河迢遞隔情塵明璫翠羽分明  
記不是陳思賦洛神

艷吟梅士駿以素幘四索畫蘭

平生嗜蘭已成癖足跡未到湘沅間靈均九畹落夢想家田種  
秫何時閒杖頭沽酒日不足安得餘錢還買山墨花隨意著枝  
葉自笑十指猶能彎

為王擬雲韻珂千戶寫蘭

樹蕙滋蘭也是豪與君痛飲讀離騷蒼茫呵壁何從問儘著頭  
顛癢處搔

題同里繆晉蕃小影時同客任城

辭家幾千里雲山夢中綠蹠踐苦不歸欲歸已無屋身經蕩析  
餘安坐便為福時嘆夷寇鎮江道出江陰家人皆避亂移居勞人事休憩十日就君

悔餘菴詩稿卷一

十二

半畝園藏書

宿知君俯羣碎眞氣吐磅礴高襟抱泰華可以一拳縮畫相孤坐石上  
心事當拏雲何為久局促饑驅坐相累塵羈就而縛身無傳天  
翼雄飛不如伏何時遂初衣幽棲據巖谷但恐鼈柱頽蓬廬無  
處託道路已荆棘踟躕懼傷足有家歸亦難况乃貧無粟行從  
黃石公奇方傳辟穀

遊梁謝張詩船祥河廉訪前輩留飲四首

仙與清虛佛與慈性情從不受磷淄敢望曼倩交公子幸見咎  
絲拜土師贖舞龍蛇民乞判庭空鼠雀客投詩故知城日書難  
廢黃老還參漢法治

起居八座奉萱觴燕喜看裁訟舍棠才與福偕天破格身為世  
任地包荒名依嵩嶽山皆小力敵洪流水不狂祥符河決省城幾沒賴廉詩及  
牛鑑堂中丞日  
夜保護得全  
聖眷慈暉多足羨花開旌節綵衣香

及第文章倍有神鳳池曾與掌絲綸東坡於我爲前輩西掖如  
今少替人載酒遊山收勝概畱詩供佛散情塵廉訪自言曾遊  
西山月餘始歸  
紀遊詩一冊爲山僧乞畱寺中汪文  
端公爲序比之東坡玉帶鎮山門云名流事蹟宜風雅學步無  
才愧此身

遊梁司馬復鄉枚逢梗因緣我亦陪

同席爲孔黼山同年張亨甫孝廉王講泉明經並工

詩能

泔水無涯桃北去烽煙有警竹西來

時河決桃北廳屬  
夷夷冠鎮江關河

間隔家千里賓主纏綿酒一杯不分天涯淪落客龍門高處快  
徘徊

### 邯鄲盧生祠四首

壁間題詩幾滿獨袁厚安同年數篇小異亦畱四絕  
句以補其意所未及

十二因緣何日了三千功行幾人修百年歲月嘗騰過斷送神

悔餘舊詩稿卷一

十三

半畝園  
藏書

仙是枕頭

身世果然如夢好神仙也覺度人難勞勞多少長安客未到封  
侯夢已殘

蓬萊風緊自回船流水桃花更杳然一粒金丹無索處從君夢  
裏覓神仙

輪鐵消磨路轉賒黃梁纔熟又開車夜來一榻眠難穩不夢游  
仙夢到家

### 新泰書壁

亂山圍客夢歸路不分明鄉思隨孤枕雄心對短檠多情重離  
別回首薄功名催起因車鐸風霜又五更

### 宿青駝寺

記取青駝寺山行此駐車鐘聲高出樹燈燄凍成花徹骨衣如

鐵齧牙飯有沙酒餘風味減振觸正思家

雄縣傳舍題壁

一夢三千里西風送客歸巡檐驚曉柝推枕索寒衣起舞雜聲壯長征馬力微星霜秋更苦行旅不曾希

哭汪少廉異鰥秀才八首

廿載交遊半已非那禁回首淚沾衣更驚月圃呼長吉忽報星宮落少微鷗鷺同盟如夢斷麋龍後望與心違浮生安得千年壽華表遲君化鶴歸

鄉國論才許雁行別來不分判行藏達觀果願爲陶土歸隱誰堪共楚狂生不移封酒泉郡死當配食水仙王臨風想像遙相對天上人間兩帝鄉

底事天花著體來

少廉生三十三年以出痘殤良可怪也

蛇蚶蝟甲蛻凡胎心飯

悔餘菴詩稿卷二

十四

半畝園藏書

白社身原贅生愛青山死便埋蒼狗浮雲馳幻影紅羊劫火葬仙才伯牛奇疾誰云命天不能言鬼亦猜

枉使精神與命爭不能爭命復爭名文章獻璞經三刖身世圍棋未半枰緱嶺登仙王子晉泰山治鬼管公明黃泉碧落容汗漫猶勝塵中偈仄行

書魄詩魂起大蘇入神心手近今無文高驚帝嬰天忌語妙通禪砭佛愚幼慧原非長命相微名竟定秀才呼芙蓉城與陳芳國一例詞人唱後喞

聯翩裙屐出花遲記得春遊載酒時近聽谿聲憑雁齒遠看山色當蛾眉空中鸞鳳沈蘇囁夜半獾狐鬧鮑詩地府修文才子彫好從蒿里締新知

春暉未報草含青玉樹何堪萎謝庭松老忽驚先落子竹殘差

幸乍添丁風摧棗萼詩情斷雪擁梅花畫識靈先數月少廉歸夫人蕙榜女史圖滿身風雪拜梅花小影冠英吳君冠英爲其竊訝其不祥今信爲之識矣有一子尙未及降生是蘭若容易瘁不如蒲柳近秋零

歸遲猶幸及生存手疊詩文待細論二十日前方寄語三千里外獨招魂異鄉傳耗初疑誤造物培才最少恩異日黃壚悲一酌多應括柏有陳根

過單縣草樓集葉愚泉向榮少尉止宿十日賦此爲別

二首

公牘餘三策官錢罄一囊尋常多酒債落拓老詩狂肝膽仍如火鬚眉漸已霜性情投分處十日遲行裝  
自說來河上浮沈四十秋能平瓠子險不抱杞人憂身世一長嘯公卿半舊遊官卑從放達宦海有安舟

悔餘詩稿卷一

十五

半畝園藏書

爲內兄薛森書寫竹

有田不歸歸無田操竿乞食仍年年長安米貴侏儒哭帝前笑倒東方朔五秋飽吃霜風寒故山老卻青琅玕山中有我讀書屋歸去讀書饑亦足

大風招巖藕村葆銜孝廉同年生馬穀生袁厚安兩舍

人

驚砂挾風奪路走行路少年紛老醜有面渾無耳鼻口天半飛來干培塿盤古之塵一抖擻此塵乃有萬劫毒而我蜉蝣爭不朽有蟲寄居鄰左右門外寒多鍵樞紐凍鷹瑟縮不出首疹粟如星布跟肘一尊一爐自消受君能出門我有酒與君一石我一斗吹氣爲春鷺戶牖暖入華胥放花柳此友此遊惟我有我醉不知君醒否

送祁幼章

循藻

太史出守黃州八首

并序

昔人祖道類重歌吟非徒唱和囑于流連光景已也將取斷金之義申伐木之思具以朋參膠漆之歡罄之歧路輪蹄之頃灞上河梁諸什後之讀者猶可以興近數十年此風大敝豈其扶輪贈策壇坫無賢竊疑杵臼之盟寒斯笙簧之韻歇胖襍猶爾傾蓋可知彈冠結綬之謂何金玉爾音未始非學士大夫之責也幼章六丈身為貴介心則真儒接物煬和擇交審可雖知名之士綦錯其門平時道詣漸摩性情融洽者惟子與吳九和甫實同憂樂蓋忘形爾汝不第尋常賞析而已今以詞林奉命出守黃州和甫先是一載視學滇中輜星磊落遙想容光梁月徘徊煩疑

悔餘著詩稿卷一

十六

牛畝園藏書

顏色粲雞唱雨窗寂寂以誰談喉驚延風旆悠悠而徑發我心匪石何以爲懷用是溯言夙昔並及生平成詩八章以代僕夫之唱第念忠告道微非諛卽諷茲則舉往者今者之姤修懿行以券方來不知者殆例我爲諛抑知吾文窮年之業貫乎天人度世之心勤於仙佛此固予所神歆膺服而以予之才之識思贊光塵月何句於珠暉風豈徯於髮引諛其贊矣諷不慎乎異日者衢謳巷祝勳名儕南岳之尊賦雋詩豪著作殖東坡之對予且將鋪海苔百葉列湘管三枝以爲數四扛訣地也要之頌者無膚辭受者無汗色斯則倩盼自昭於繪事琢磨有待於素交襲下里之音效他山之助夫豈爲國門櫟軼壯青旂皂蓋之

行江介拏舟重紫蟹黃雞之羨煙花軫別雲樹朝思  
已哉

翩翩羽葆下蓬萊始信仙才足吏才天與名區分郡竹世將陰  
德護庭槐一麾我送仲容去五袴人歌叔度來傾聽賢聲畫日  
下窮愁眉宇為君開

家世詞臣太史公從今名宦妃名宗竹樓聽碎黃岡雪桂棹歌  
迴赤壁風經傳發舒臚治要江山清壯角才雄就論儒雅填人  
表也入蘇黃一格中

黎火通宵照字青雒經修史筆無停 殿前獻賦叨 宮錦  
禁內傳歌上 御屏棗萼光輝卿士月桂林夢想使人星

甲辰科廣西副考官時  
滄甫師官戶部尚書 一官一集更番勝嶽色江聲盡性靈

海嶽胸襟氣不寒與人憂樂此才難傳經堂邃三魚落禦寇城

梅篋菴詩稿卷二

十七

半嶽園藏書

孤百雉完趙城教匪滋事時太史掌教洪洞與之接壤邑令仰成於太史防禦得全散帛倉黃依折

像投練清白仰玉丹若量潛德升台鼎猶是儒生本分官

臨軒溫壽戴 綸音層疊 恩波似海深星近微垣原福曜雲

生泰岱易甘霖才充世用豐年玉心懷天知暮夜金豈獨廉能

酬 主眷陽春一路長棠陰

循名介節兩兼之况有通才許救時狙性要能諳喜怒蛙聲何

用辨官私治參黃老真仙宰病起黔黎待國醫四境喧和鳩鵲

語使君五馬惜來遲

召杜謳歌入楚咻仁風吹暎古荊州獄清狴犴煩冤息車避螳

螂築鷺柔社鼠稷蜂祛政蠹帶牛佩犢化民蠶牙磨烏弈尋常

事勲業須爭第一流

長安風雪一寒號獨對鷓鴣嘆羽毛無用每嗤名士餅有情深

媿故人袍關山修阻難憑夢案牘縱橫各自勞悵絕菖蒲花發處十年蘭臭染吟毫

調友人二首

侍女花原號可離誤拋紅豆種相思度江已辦迎桃葉開閣驚傳放柳枝贈玦難圓明月珮抱衾應廢小星詩何當歸覓耶谿路定有夷光待嫁遲

豆蔻經春未有胎東風枉自費栽培生憎碧玉眞偷嫁翻笑紅綃待俠媒桃梗已拚隨水去蘼蕪莫遺下山來蕭郎台是神仙侶跨鳳吹簫舊有臺

送謝蓮士倫表兄尉廣西

半是疎狂半是癡性情差喜我能知胸無城府惟容酒舌有鋒芒且說詩老子婆娑隨地可小兒顛倒任天爲八千里路君猶

悔餘舊稿卷一

十八

半畝園藏書

幸五嶺三湘飽看之

卅年風雪卧長安生鐵能禁徹骨寒蓮士初貧甚十月猶單衣而吟誦不廢一無干謁信也但有稻粱能飼雁不妨枳棘竟棲鸞大才應入螭蜺夢小試何辭螞蟻官也許仁風慰黎庶未應遺愛盡儒冠

陳耘梅鍊師七十壽言時以道錄司謝事歸山并送其行四首

天許長庚署外臣珠宮貝闕乞棲眞 螭頭近漚三霄露塵尾全清九陌塵聞曠別開鷗世界高寒倍長鶴精神五城十二樓環帟管領羣仙第一人

宮府眞如三界清始知塵海有蓬瀛胸中蚤癩煙霞癖掌上能瘖霹靂聲身世出山雲淡宕性天印水月空明不緣大隱宜朝市已落情塵願地行

下忌真能使六丁青詞曾動 至尊聽幹旋二氣爲時雨遊戲  
三朝應歲星一金闕 恩言頌 紫誥玉樞眞訣補黃庭精修  
定注東華籍前滌塵凡養性靈

矍鑠歸山未悔遲蒼松生是萬年枝鶴飛東海量籌積豹隱南  
山避管窺道德三千容弟子神仙七十當嬰兒茅菴佳處應畱  
待其采商山五色芝

題篝燈課讀圖 并引

丁未正月既望董醞卿 翰 同年以母丁太宜人篝燈  
課讀圖見示並屬題咏因爲短歌以紀顛末世有初  
食諫果者莫不苦澀絨眉一時齒頰回甘乃知苦澀  
之中正包此味又如病熱者服苓蓮苦口幾不可忍  
及乎熱解遂且歸功奇苦以爲良藥然則後樂先憂  
其理昭於符璽今此鸞綸鵬繡皆自篝燈弦誦中來  
而區區南宮一第農部一官正不足爲慈節報故知  
昔日之苦所以釀成今日之甘後且有甘於今日者  
附綴數言以爲太宜人壽並爲醞卿券也

悔餘舊詩稿卷一

九

牛敬園藏書

烏曉月落天爲愁搖搖老屋風颺燈光不定半明滅照見孀  
烏抱雛泣淚痕著土紅冰寒飲聲起視姑平安寢膳晨昏勞不  
足午夜鳴機伴兒讀行間字裏寒生芒半是心光半淚光笱根  
慈竹蓮根藕生小青蚨不離母篝火續膏機續絲繡針衣尺紛  
參差菽水艱辛指頭血蘭萼竟補笙詩闕羹湯料罷促攤書書  
聲不斷如纜車短檠繡鐵年年在茹藥含椒三十載阿閣我衰  
凌紫煙小鳳一鳴飛上天天生鸞鸞非凡鳥青萱自是忘憂草  
花明日下擁安軒鸞迴五色影 絲言金缸照酒稱眉壽燈花

不似當年瘦

悔餘菴詩稿卷二

二

牛畝園  
藏書

悔餘菴詩稿卷二終

梅餘菴詩稿卷三

江陰 何 栻 廉昉

古今體詩九十八首

丁未至 癸丑

贈同年生黃仙樵

秩林

孝廉四首

并序

丁未之春仙樵計偕至都以自梓主靜軒詩及舟車詩集見遺日晏公餘一再展誦覺有靈氛幽豔游弈行間與燈月之輝相掩映噫嘻此固仙樵少年作也九州大矣詎敢謂風雅無人然以予輪蹄所歷襟契所投得之目遇耳謀者求如仙樵之才之詩不能千百而什一焉無論西江少雋吾必以仙樵為巨擘即使張武夷之幔啓洞庭之筵萃一時墨客詞人與之摹繪性靈鋪揚雅頌猶將為仙樵班專席焉蓋其賦性之優如王謝諸郎自然秀整其效法之峻如崔盧右族別是清華其氣寬博而無膚辭其韻淵和而無懦響構思則以平淡寓新奇製局則以謹嚴納宏肆以余所知仙樵之詩者如此雖然此固仙樵少年作也仙樵今年纔三十三余年亦復相若所為詩律之聖境之神學之化其進而未有艾者余固將觀止矣今以公車報罷將南歸侍養留之不得詩以餞之並綴數言以為異日援契云

梅餘菴詩稿卷三

半畝園 藏書

詩翁今魯直公子昔春申俊爽應無對風騷尙有人蟲魚刊瑣碎煙月孕清真甚賴摩空手能扶大雅輪  
牢愁揚子賦雋永蒨生書迂世君何幸量才我不如雄懷凌海嶽勝蹟壘舟車絕調迫陶孟箏琶一洗除

晉寄寓公籍相遭亢父鄉題樓驚太白醑酒慰知章游侶呼明月吟香化海棠當時花下酌愛我共清狂  
大羅初發唱小許已知名選席尊三管藏書侈百城家貧猶近俠身累獨緣情羨汝趨庭去嚶鳴戀友聲

醉書

秫田二頃五十畝蓬島五城十二樓醉夢得官真螞蟻神仙逢劫亦蜉蝣百年常作千年計萬物曾無一物休上界森嚴勞更甚何如閒卧枕糟邱

題陶集後四首

混茫元氣結胚胎千載風騷絕此才離去餽飢兼斧鑿教人無路覓詩材

性真自是葛天民五柳能回太古春世外那知天歷數桃花並

梅餘菴詩稿卷三

二一

牛政園藏書

不識秦人

傳詩有命那容爭何用艱辛辨四聲應愛季鷹差解事不將杯酒換虛名

未了恩讎負此心微官無補况歸林田疇不作荆卿死只有黃花伴醉吟

讀史

今古一邱貉官私兩部蛙未經嬴政火漸滿惠施車姓氏風驅籀勳名露泣花悲歡何與我肝肺自槎牙

圓明園應直四首

苑牆西畔月猶明禁鼓蝦蟇遍四更不爲雞人催起早六街一道馬蹏聲

微風吹活水中雲水氣侵衣百和熏野鷺閒鷗無處著飛來鷓

鳳各成羣

雙湖如鏡淨無塵但覺湖光繞畫輪自是 恩波分 太液柳  
枝蓮葉也精神

湘憑扶夢坐瓏玲轉轂如雷困未醒回望石鋪三十里西山一  
抹隔城青

余以雜詩投厚安其弟揚庭愛之裝池成冊仍屬爲序  
序後有餘紙並綴此詩

國馬誰能識家雞未可輕知君頗知我難弟自難兄楮葉勞何  
益燈花落更明夜深投筆笑持以慰嚶鳴

吳冠英 備 春水歸帆圖用何子貞太史瓦壽齋原韻二

篇

十年夢想山中居四壁苔青蝸吐篆魚綾刺漫塵緇衣俗相難

悔餘菴詩稿卷三

三

半畝園  
藏書

醫廢彭扁吳生畫理孕詩心靈豔真能繪騷選風人落手滌氛  
濁元氣如珠指頭轉天骨全空凡馬羣神膠恣割仙麟腴獨支  
健筆破天慳遊取溪山卧游行曾無南本敵孫位誰是東坡識  
牛馱磊塊還須仗酒澆窮愁未忍將琴典長安米貴絹素賤堆  
按襖材紛可剪眼中冠蓋多於蠅誤筆爲之應不免佛廬槃礴  
掃羣碎風月清談就徐勉春暄催脫青狐裘貫酒雷君花底宴  
因君寄語謝親知近狀可憐無一善思歸復此送歸人鄉心正  
似芭蕉卷

郎潛索米爲容容投劾如何及崔篆官厨肉食藏神厭病肺翻  
貪杏仁扁會當滌井養丹砂徑欲買山量白選歸心一夕度江  
去萬斛春風吹不轉江山自昔足清供玉版銀刀最珍腴有田  
種秫百不憂未要高勦乞瓜衍卻嘔螞蟻爭槐安更怪蝦蟇幻

楊戩夔蛇蠻觸紛貪嘔誰與癡蟲提慧典愛君性識獨完白錦  
段光明未開翦陶潛乞食那足疵載述抱琴宜可免清高迂世  
信吾分固窮不用詩相勉共經人海閱溫涼苦憶君山憩清宴  
林泉如命癖同堅齋粥無餘歸亦善盤西仙尉知此心此心應  
放身應卷

圖係三河尉葉香土作

三疊何子貞太史瓦壽齋韻奉酬楊漱雲

炳春

同年見

和

十霜鵠立綴鴉班袍纈氤氳繞仙篆玉漏催簪進德冠金光熟  
識通明扁久塵西掖倚三能音台又歷南宮參兩選濫竽充數那  
能工舞袖勝人堅不轉一杯獨戀小人羹五鼎難分大官腆生  
計空倉鼠雀愁宦情雜劇魚龍衍料量白飯與青芻撮合黃精  
及丹戩着操責券當靈符病檢醫方如古典可憐俗障困重局  
安得婪絲快一翦傾心愛我欲何言掩鼻知君政難免安邑豬  
肝詎足畱班生燕頰行當勉且耐饑驅席帽塵會教飽啖瓊林  
宴老才用世例須遲新語驚天定稱善前路沈揚未可知浮雲  
各自從風卷

悔餘舊詩稿卷三

四

半畝園藏書

題如臯湯敬亭太守日涉園圖

三十三峰夢中綠猿鳥怨人歸不速釣遊最憶君山麓萬本寒  
梅百間屋泉石新奇五丁鑿瑯嬛割地分曹讀芸葉梅花同一  
馥三世林居豈非福君山去余家數武先大父種梅花翔書院  
使蕭山相國姚文僖公先後課士其中  
並爲詩文湖石記焉迄今三十年矣在山泉清出山濁草堂  
忽被移文逐絕倒東方一囊粟可惜雲窩眠未足一日違山十  
年俗揚州臺沼遙相屬冒家水繪知名獨名士名園映江曲橋  
梓風流殊卓卓二百年間無與角君乃肯堂歌式穀浮柿塞江

新卜築丹堊量才中華朴古來繼述難於作祖視父書誰不作  
况以餘功纘林壑水範山模修矩護長安塵土瞋人目覩君手  
記瑩如燭細字蠶眠勻一簇結撰精心影樓閣摹繪煙霞不嫌  
酷衡宇周袤徑綜錯廊廡軒庫室京煥左襟右帶宜村郭山骨  
雲根日雕琢環石嶙嶒孕華嶽小有洞天三十六嘉樹婆娑互  
枝格萬草千花香蔽蔽時汲紅泉詩仙藥點綴禽魚任飛啄錦  
鱗晴曝縞羽浴有情未肯冥鴻鵠無侶誰能友麋鹿野趣天機  
日翔躍暫狎迦陵悟濠濮中有鄴侯三萬軸百家瑣碎兼收錄  
綠天種紙紛成幅潑墨攤書從所欲農圃暇時宜可學更養春  
蔬課秋穫芋魁大豆收鴻卻不用陂塘開蓮勺三命才能具饌  
粥卯醉新筍午餐肉偉哉人爵兼天祿燾後豈惟營食宿布置  
周章見方略正如國手謀棋局萬里江流莽河泆前水綿綿後

悔餘菴詩稿卷三

五

藏書

水續如水之長以園卜創始落成辛苦各名之日涉從其朔十  
笏三弓儘開拓後嗣賢勞視家督荒年之穀豐年玉君才早受  
蒼生託且起東山慰歌嘏東浙分符又西粵能軾隼旃轉朱轂  
從此虹蜺繚牙纛一品仙衣稱身著珂里相羊整初服竹肉麤  
豪笑金谷一曲鑑湖猶齷齪書錦平泉樂民樂敝廬我亦容棲  
宿久愁三徑荒松菊緝芰荷衣冠筍籜遂初賦竟尋孫綽春色  
渡江無約束一例東風拆花木鳴榔徑湖江之淥詩裏郊居眼  
中熟乘興來尋子猷竹

雪夜和內子韻二首

偶撥科名草難登著作林長卿徒四壁少伯累千金詞賦知無  
力交遊願有心寒香誰送煖枯坐獨沈吟

武非楊大眼文異范長頭黨尉銷金帳張郎集翠裘尸居餘有

血肉食鄙無謀掉首思偕隱營巢拙似鳩

送同年生馬谷生

張鶴

牧麻哈三首

并序

道光二十年春二月 特旨開中正榜同時應試者  
千五百人中中式者六十人伏青蒲而覲 聖儷紅藥  
以遴才仰塵 日籟之明爰簡雲臺之數俾乃皇池  
造羽豹闔簪毫效丹槩之微能膺 紫宸之曠典而  
余與谷生及袁大厚安預焉繇是三心莫逆一體均  
勞竭來接軫於莎堤昕夕飛觥於花市莫不形骸放  
浪肝膽輪困慰旅况之羈孤極友聲之酬和嗣余贊  
南宮之選厚安讎東觀之書雖塞鴈隨陽棲踪靡定  
而淵魚處陸响沫相仍胖合不恆炎涼無戮載歌伐  
木庶其企而客歲擬補侍讀以君同正今吏部用京

梅餘書稿卷三

六

半畝園藏書

察急選出刺麻哈槐司扼腕已無及於保留蘭契翹  
心正有期於施展信前程之夙定將上考之洊登已  
獨是十祀霞交一行雨散軫膠漆陳雷之義繹河梁  
蘇李之謠余與厚安其能默默乎矧聚猶驂斬幾無  
離立之時判若麟符未審合揆之所萬里之行從此  
始矣敢闕東門祖道之情一言而善惟君知之聊當  
北部陽關之闕飾句謝妍於折柳斷章襲美於投桃  
厚安宜有贈言其以斯爲祗導安得星躔東井常從  
五馬之周旋何當風翼南溟竊附二蟲之驚笑

二千石比漢庭良八十程隄楚徼荒生別愴懷如甫白通儒循  
分亦龔黃東方文史能爲用南國謳歌未渠

遠音

央好補黔書名

宦志青螺風績在巖疆

夾路湖山壯宦遊何如雞樹老窮愁謀疎未解營三窟才大真  
當隘一州保赤豈惟馴犵狁飛黃從此軼驪騮仁風吹溢羅施  
國河潤將移郭細侯

十年蛩駟寄長安惟與袁絲各盡歡青李交相夸晉帖紫微猶  
足重唐官鴻鸞賀世宜爲瑞鵬鶚凌霄不畏寒跂盼雙旌追燕  
笑早教黃色露眉端

題友人小影

吾廬昔山中桐陰一房綠有時風雨交天然奏宮角嘉樹無醜  
枝畸人無俗懷吁哉不凡木尺寸皆琴材琴材古所難知音世  
尤少與爲麤下焦不若山中槁丹山蒼靈羽擇木將安棲喬柯  
倚阿閣爲君歌鳳兮

種菜歌爲鄭稼夫

滄作

悔餘舊詩稿卷三

七

牛畝園  
藏書

田園將蕪歸去來欲行不行心衷哀嗟我肉食非其才我不能  
蟻螯聚蠹蝕半李螞蟻分羶鑽大槐充腸亦自足藜藿餬口何  
用辭蒿萊朔來豈屑一囊粟隗始正慕千金臺安知飲啄已前  
定命薄不受天栽培噫嘻芸生祗地豈有殊根莖彼荼此薺誰  
其主者紛安排不識我於祿籍注何等異日饑驅飽卧今日安  
能猜今之人兮但知李叔平翟子威龍陽洲上藏木奴鴻卻陂  
中收芋魁君不見鄭餘慶整頓葫蘆治賓幕薛令之闌干苜蓿  
充官齋仙廚麟鳳乃如此而我離蔬釋屬何爲哉稼夫學稼兼  
學圃有田在吳身在魯稼夫居吳之洞庭山久客東河嘗作谷  
口安耕圖取鄭子真故事以寄歸田之  
意長鏡大笠長相左君自不歸歸亦許我昔遊姑蘇獨倚金閨  
眺平楚半州綠水半州山一寸黃金一寸土當日荒臺縱鹿游  
於今列舍爭蜂聚虎邱颯沓洞仙梵鶴市掀厖閩屠沽人聲如

潮沸子午不習耕桑習歌舞鬧處但聞爭璞鼠枯棹那怪有機  
事鋤鍤正愁無隙所但需負郭二百畝未要封侯十萬戶天慳  
獨不畀區區人滿故難營膾膾豈知眾人所棄君所取聚族攜  
孥遠城府雄才久蓄計然計雌伏甘如處女處求田要作多田  
翁治生原爲養生主從監河侯貧升斗與洞庭君裂土宇兔園  
舊冊種樹篇鴻寶新書并田譜蓑衣笠笠長謝東諸侯琅菜瓊  
蔬待乞西王母種分白壁何纍纍花散黃金亦栩栩晚菘早韭  
足誇周細菌寒匏那羨庾癡肥蕘蕘易生兒老辣芥薑應共祖  
紅丁菽菽綻蔓菁綠甲森森纏萑萑蔥翠龍爪蕨舒拳竟挺獅  
頭茄發乳青黃碧綠難爲名芼炙羹胥聽汝夢甯定不鬪羊  
蔬客至猶堪侑雞黍君不見庾郎食鮭二十七太常齋期三百  
五天苗此徒佐鼎俎強欲得之天不與世人饕餮事口腹口腹

悔餘春詩稿卷三

八

半畝園  
藏書

未甘心已苦歲租十縣給初筵日費萬錢謀下箸賭射呼奴解  
俊牛過廳命侶推肥粒傳餐新配五侯鯖置驛遠封千里脯直  
分膏潤丐三彭自蓄腥昏招二豎醫肥豈獨齒先亡蘊毒將無  
脾半腐嗜好酸鹹那可醫性靈淡泊誰能咀豉香鹽白最宜人  
飲血茹毛終勝古養賢何必盡大烹食淡豈惟爲小補眞香融  
洽畱齒牙元氣清虛還臙臍已辦冰壺作佳傳更從玉版參禪  
語久含此意何時吐樂事行將與君賭候鳥驚人呼九扈可惜  
流光去如弩豈不懷歸念終窶安能縮地師壺公從此棲山友  
巢父誰非沮溺徒乃與絳灌伍使我有田可芸門可杜胡不脫  
冠爲履直筆研將來投一炬吁嗟乎芻狗文犧何足數灌園叟  
賣菜傭閉門何地無英雄君不見邵平鋤瓜東門外楊惲種豆  
南山中當時亦復肉五鼎粟萬鍾一跌遂與農夫同何若畱侯

辟穀從赤松不然采芝徑躡東園公可憐桃梗畏春雨卻憶莼菜驚秋風身無羈鎖誰羈籠驅之驅之吾欲東人定不憂天不從君其圃矣吾其農

述懷二十首

堂堂日月跳雙丸三十三年指一彈社燕春秋常在客臺烏朝夕也當官聯翩鳧鷖朝班數黯淡魚綾刺字漫珠米桂薪居不易漸愁無計戀長安

對罷天人日易傾金光未與照通明六州鑄鐵難成錯千佛繙經幸有名露電渾忘如許事風雷敢激不平聲年來已得安心法夢穩曾無寵辱驚

容容白壁復何常紈袴儒冠各自強世路突梯紛得路官場牽線互登場願從曼倩稱諧隱敢道寬饒是醒狂仕宦頭顱可知

悔筆詩稿卷三

九

半畝園藏書

已翻愁四十尚爲郎

出手長虹走太阿十年英銳漸消磨徘徊西掖吟紅藥轉側南宮佩紫荷閱歷行知青眼少公卿坐看黑頭多畏寒亦擬分餘煖冰老成晶不受呵

殘羹不肯乞人餘落魄何由與世疏使氣安知程不識慕名眞愛蘭相如狂言迺坐猶耽酒刻意歸山欲著書一笑窮愁應舍我天心從古有乘除

自信才如腹背毛不矜六翮負風高倚門骯髒愁胡底索米侏儒媿若曹豪舞強酬渾脫帽新聲終賤鬱輪袍時宜難合甘藏拙南郭吹竽幸未逃

不辨官私兩部蛙午餘猶未放蜂衙凡才自分應題鳳了事無能欲畫蛇胥吏滿堂頭戢戢文書信筆手沙羔羊退食委蛇

甚投謁頻迂道左車

朱墨橫斜日日仍清班長羨秘書丞儘呼鞞伯譏常衮自號龔  
官笑薛能一咏何殊吹劒首九迴猶復夢觚稜勳名氣節兼難  
事身世應慙過耳蠅

癡蠅鑽紙出無時磨蝎臨宮命可知豈有高文通狗監梅將餘  
技雜牛醫上池未受長桑訣下里難工短李詩竿牘頻年無一  
當元輿空為剡藤悲

同日霓裳詠大羅人文誰足重登科杜陵本自陳芳國同年生  
存劉秩能當曳落河同年生袁猿鶴不從君子化麟鸞未韜古

人多西清二妙真無負獨媿昌言被墨磨

囊書橐筆為誰勞潘鬢驚秋見二毛名士果然如畫餅詩豪不  
在敢題糕難安一字應師鄭棫詩文得力自有千秋莫和陶風

悔餘詩稿卷三

十

牛啟園藏書

雅正多行樂地詞人何苦續離騷

土炭酸鹹嗜好奇清狂自是藥難醫金釵典盡猶供客鐵限磨  
穿為索詩多事漸令犀首厭絕才難做虎頭癡麩桐椽竹精靈  
在定有中郎拂拭時

感恩知己古來難匏竹同聲始叩彈小海歌來羈夏統大山仙  
去困劉安不知飯顆因何瘦誰念綈袍至此寒卻憶故園風雨  
裏漁樵相狎有餘歡

早知天意有溫涼車笠何由誓不忘祖席紛紛餞梁柳私書屢  
屢屬陳湯纏頭紅錦徵歌費點目黃金著筆忙束閣柴門吾未  
可但求閒靜養心光

慣引鹽車上太行驪騮底處有康莊短衣楚製新儒服長鋏齊  
歌舊客裝王寅冬慧秋穀師節制東河棧先是鶴脰曾欺鳧脰

短黍頭翻妬麥頭昂人生漫浪初無定浪土何須羨漫郎

障籠王戎信足嗤輸邊卜式亦堪疑故人不願逢高賀死友安  
能得趙岐金穴祇愁無著處冰山豈料有傾時紛紛印綬從牢  
石一跌方知拔足遲

聽盡都人毀譽聲鐵中猶意得錚錚狐惟善媚牢難逐雁不能  
鳴斷可烹冠履沿緣濟獨坐旂常索莫度榮名汗青例有文人  
壽漫與蜉蝣共死生

生男底事祝桑弧天下安能用腐儒衣縫欲弮慈母綫鼎供思  
乞大官厨可憐北郭無私粟苦憶南山有舊廬夢想買田儲菽  
水俸錢難足况求餘

莊烏時時動越吟不將蠻語改鄉音少年雞鞠歡場少故國鱸  
莼夢境深營酒細嘗知世味吳鉤笑看見雄心秀之但乞山資

梅餘菴詩稿卷三

十一

半畝園  
藏書

足未要腰圍釘寶金

江上青峯舊釣遊築臺已擬命休休韜藏奏議三千牘排比朋  
觥一百籌貞白挂冠當及早小紅按曲待何修莫愁洛社風流  
盡要與香山角唱酬

早朝詞二章

首章

內廷

次章 圓明園

東華門外曉寒高霜滿烏韉月滿袍奔走可憐何事業公卿誰  
謂不賢勞森嚴鶴禁臨三殿慙媿鳩班長六曹拖紫紆青紛在  
眼此身真不抵秋毫

夜分待漏曉簷毫奏議頻煩冠六曹風引泉聲鏘雜珮月團花  
影繡春袍森森鶴脰千官肅業業螭頭九級高十載郎潛無報  
稱駿奔何敢告賢勞

書事四首

長安人似海處處有風波莫恃聲光在其如福命何秋雲情意  
薄夏日律文苛獨笑營營者青蠅熱處多

要路千人指高門五鬼攀浮榮狂似水急步躓於山九品原虛  
器三台是險關已經凌絕頂安得不來還

交友甘如醴封侯曲似鉤生成關氣運仕宦爲身謀河鯉偷龍  
角山羊戴虎頭用才多貌取閥閱最爲優

世事彈棋局人材勸酒胡不平無可詎目倒有誰扶禍福非關  
馬榮枯莫問烏東方能跌宕一飽學侏儒

開車

寒雲挾天墜驚砂奪路走鞭聲怒如爆燈影大於斗簸之復揚  
之稊稂在箕口嗟哉行路難可暫不可久

打尖

梅餘菴詩稿卷三

十二

半畝園  
藏書

饑者易爲食入門趨下車尊前列四簋有齒不敢茹投箸三太  
息眷言思吾廬啜粥亦可喜菜根香有餘

于役易州作四首

垂楊如海起風煙渺瀰春光綠上天繞袖粘鞍飛絮活隨他飄  
泊十三年

萼跗銜接綠芙蓉花一重兼葉一重不落尋常青鳥格萬山迴  
抱一支龍

肅肅長松護翠微排當成列繞成圍山風夜作秋濤涌十萬鬚  
龍怒欲飛

買山願學蜘蛛隱飲水甘爲蚯蚓廉桂蠹蓼蟲生有性只宜辛  
苦不宜甜

鴻恩寺小憩

迤邐三叉路清冷一尺流頽陽明鳥背新水活魚頭梵塔遙相  
揖征車暫且休前程姑莫問得意儘勾留

王官莊夜坐二首

煙月門無禁風雲路自通夢回千里外身在萬山中棧豆喧饑  
馬燈花闌暗蟲熙來仍攘往人事可憐同  
夜靜風呼水天低月按山有人披葛帔無寐倚松關亂樹龍蛇  
活荒叢虎豹頑薄寒回就枕明日約追攀

閒憶二首

走馬奔車鬧似蜂少年裙屐日相從仙期私遞三青鳥博進平  
輸一白龍隨喜欲依香界住放狂思乞酒泉封歡場轉燭供閒  
憶獨據枯梧百事慵

打槳如飛倚短篷虎邱鶴市恣西東兩邊嘉樹迎舟綠百種名

悔餘集詩稿卷三

十三

半畝園  
藏書

花照酒紅夜半笙歌高入月日中冠蓋競趨風當時意氣無人  
敵不盡消磨化斷虹

游泰甯寺二首

野樹無情碧山花稱意開水從高嶺落雲自別峰回天地能含  
蓄仙靈定往來人蹤不到處元氣尚胚胎  
蟻垤千峰蠱蛛絲一徑微風回爭路出雲起挾山飛濟勝矜游  
具忘勞習化機不知于役久魚鳥漸相依

老公營曉發

深山纔落葉秋色已蒼然老木森長戟平岡散列錢摹真窮畫  
手攬勝竦吟肩不盡牢愁意和雲墜馬前

偶成

紅綠蜘蛛引細絲拂簾花亞過牆枝消閒正擬尋棋局鄰院剛

聞落子時

與祥子占郎中山中閑步

空山新過雨草木吐幽香苔石留斑厚松溪瀉綠長人宜三伏  
住天與十分涼其愛無塵地裊裊待月光

觀華蓋山雲

雲山互吞吐坐我縱奇觀日色明殘雪風聲走急湍離披千葉  
散飛舞萬花團變幻紛無已人情一例看

山齋曉望

山靄濃於染紅藍繪曙光宿雲埋樹色新露縱花香約客攜棋  
局呼童負藥囊前溪松枯下散坐納朝涼

宿桃花屯

不能知肉味豈但食無魚畦韭充新饌江純憶故廬十年隨宦

悔餘詩稿卷三

十四

半畝園  
藏書

轍三月斷家書卧聽南飛雁翩翩我不如

半壁店

大道風沙暗深山水水清但容充小隱何苦逐長征冷宦歸無  
計饑驅事有程黃梁炊未熟又聽馬蹏聲

續夢中詩

有序

癸丑八月夢與友人攜酒賞花花大如斗形如牡丹

紅色千瓣金光爛然與落日相映旁有錦車十數皆

坐麗人小婢夾侍因作七律兩章醒後光景歷歷在

目僅記詩中項聯因續成之

金界莊嚴縹落霞暝煙初合似籠紗春能并力開千葉日有餘  
暄放一花大白競浮三醖酒小紅遙引七香車因是想渾難  
解聊復吟詩記夢華

恭謁

昌陵

時充

昌西陵地宮監督

橋山弓劍遂瞻依佳氣蔥蔥繞翠微日昃宮牆紅起燄雨封蒼石綠生衣山圍馬鬣天皆小樹長龍鱗夜欲飛曾見 聖人親祭告萬燈環列漢官儀

感事

名心燒死總難灰日暮途窮氣未頽紅鶴可嫌堅不去黃雞底用苦相催長饑生恐從孤竹昏醉何由醒大槐送老就貪燕玉煖田園蕪盡肯歸來

遣病

生被風霜併力欺未年四十已支離古而無死今何有壯不如人老可知黃蘗參禪忘我相赤松訪道待吾師安心便是治心藥莫漫勞心索藥治

悔餘齋壽稿卷三

十五

牛畝園藏書

夜起趨朝

厯落輪蹄布九衢霜華蓋地一塵無清風初振趨朝玉明月猶懸照乘珠萬戶千門齊洞闢五更三點正傳呼曉寒消受頻年慣自詡精神比鶴臞

壽張南山年丈

洛如花綺五羊城羈貫稱詩便有聲前輩襟題呼越秀中原壇坻狎齊盟次山眉宇從無迂季海毫端正不平如此丰標如此筆量才豈分隔方瀛

荀鶴芝祥奕葉稠曲江清伐振南州傳家科第緝三喜報國文章續四愁是處花因潘令滿至今樹爲召公畱隼旛熊軾尋常看別有心光照選樓

三管尊嚴著作林謨觴新闢蚤抽簪鉛丹例有名山壽金紫難

迴止水心乍蒼菟裘開梓澤自編鴻寶記苔岑最難賢助襄秋  
駕琴御和平邕好音

易州曉發

喔喔雞聲夜向晨霜花覆地不飛塵路隔黃葉追風片天末紅  
雲起日輪隔水微聞煙外語閉門翻羨夢中人浮生會有閒時  
候宦海從無自在身

夜起

香衾溫爽睡膏騰融盡胸中一段冰俗累未能身外屏喚聲不  
覺夢中麈索衣顛倒忙推枕吹火從容自點燈爲趁朝班聽鼓  
出天街馬跡已層層

陵松

一自髯龍下鼎湖蒼胡綠甲滿平蕪森然漢仗百君子晒彼秦

悔餘菴詩稿卷三

十六

半畝園  
藏書

封五大夫積翠朝涵雲氣重奔濤夜涌月華孤橋陵宰木天生  
別試問他山有此無

涿州道中

雙塔參差雉堞低驅車已近涿州西平疇新雨開蛙唱歸路斜  
陽亂馬蹏亞水雜花粘宿蜨環村矮樹穩棲雞此中人與風塵  
隔祇恐重來路已迷

夜赴園直

灑然涼意滿風入馬蹏秋巖鼓開城闌疏燈出市樓樹僵奇鬼  
立水活眾星流露重浮塵息蕭寥萬象幽

內直曉望

清氣滿大宅斯人領受疏不知春也暮可愛日之初神味山尊  
淡心靈水鏡虛悠然游物外何似夢華胥

雨後散步

霽日瑩如鑄溼雲頽欲眠花香紅乍迸樹影綠初圓茗椀嘗新  
水檀爐養細煙萬園纔十笏風物盡鮮妍

敬琴舫師招遊西城廢園

蛩吟鳥語語淒涼秋入樓臺冷帶霜飛去積金成蝮螻墜來殘  
瓦化鴛鴦倚牆喬木相爭長亞路開花自在香憶昨城東光照  
眼巨卿正置午橋莊

中秋觀諸女供月

沈寥秋氣杳如煙清露沾衣冷著棉四面樓臺瞻漢闕兩頭簫  
管憶吳船天無障翳空中徹月有精神分外圓忙煞中庭小兒  
女安排瓜果供冰筵

廣寒宮闕自沈沈電羽何從識秘音積雪空明同此色微雲點

悔餘菴詩稿卷三

十七

半敬園藏書

綴復何心一家天幸團圓在千里鄉思宛轉深卻憶年時歡宴  
罷移牀圍坐桂花陰

偶成

萬物何曾有定名自爲好醜自枯榮人無相肖知天巧地不能  
平見世情命定且憑強判斷身安何用苦經營紛紛紅蠻觸爭蝸  
角芒芴於今羨始生

易州山中雨後

華蓋東西夾坐閒魚鱗層疊看雲還笙鏞酣暢風中瀑金碧鮮  
明雨後山未得肩昇四游歷且支手版一偷閒林泉佳絕無佳  
句與石爲鄰比石頑

山居秋夜

孤館秋涼倚短檠攤書危坐已三更月侵幽幌沈霜氣葉下空

庭驟雨聲景色荒寒天亦老身心安靜夢猶清入山便覺山居  
好回望家山倍有情

夜望

涼天如水十分清遠樹和煙媚晚晴山擁雙螺銜月起風扶一  
鴈帶雲行參差星火光初澹繹絡松濤勢不平獨倚柴關渾廢  
寢未妨吟嘯到雞鳴

秋夜

山中談笑尠吾徒閉戶挑燈一事無秋老寒蛩疑梵唄夜深怪  
鳥儼人呼投閒嬾作閒雞舞擾睡思求卻鼠符鄉入黑甜容久  
戀索衣暫免早朝趨

羅江東

天與才名不與官一生瓠落似方干詞章有格千秋定君相無

悔餘菴詩稿卷三

十八

牛畝園  
菴書

權一第難奇士攻詩偷奧妙名王張幕庇孤寒當時賓主稱魚  
水猶勝東僚百菹盤

自嘆

輪蹄十載碾塵泥朱墨橫斜逐日批階級不移同水馬文章無  
用等山雞堂堂白日渾如矢嶷嶷青雲未有梯仕豈爲貧貧且  
仕城南僦屋暫安棲

早起寓園納涼

曉色明金翠新涼透綺羅露荷珠不定風竹玉相磨樹密蟬聲  
久花深蝶夢多俗塵猶未起閒靜樂如何

悔餘菴詩稿卷四

江陰 何 栻 廉昉

古今體詩一百三十九首 甲寅正月 戊午

出都次柏靜濤師原韻 甲寅正月 十二日

賜書先路導問字後車來 讀師所賜奉 使朝鮮驛程日記亦以甲辰正月十二日啓行事閱十年

而尖宿程期一一吻合 此固卓異志所未載也使節依星度離襟仗雪開輪蹏行色壯

鼓角成聲哀何以紓忠愛游門媿達才

奉酬靜濤師元夕柬示

高唱珠隨唾深談石點頭 苾寒依廣廈 栻與郎中文玉刑部員外郎顧文彬從行師皆

優給旅費 并及胥吏 息競賴虛舟 是行也以 盛京刑部堂司官 命馳驛卽訊 月與吟

懷滿風因笑語柔年年上元夜有此勝情不

讀靜濤師薛寐吟館詩賦全集敬賦四章

悔餘菴詩稿卷四

半畝園 藏書

綴坐龍門十八年曾無公暇論詩篇誰知絳帳吟風地多在黃

沙踏雪天 師凡四至 陪都啓行皆以 雪天東征日久得詩最當 一品新披會昌集百番

豔奪陟釐箋未經鹿洞門人注已有雞林國相傳 師於甲辰年 奉 使朝鮮

自其國王以下 皆求書索詩

組繡功深勝鍊京眾仙還讓咏霓聲軼羣才分原關福絕世詞

章不取名金紫已超三獨坐鉛丹猶是一書生早朝宴退無餘

嗜觸手牙籤擁百城

天判文星攝使星 師使朝鮮時 論以能文嘉予 聖 皇華四出重儀型懸衡取

士眉皆白破格憐才眼獨青經史陶鎔斟筆法江山閱歷拓襟

靈一編壽世爭先睹豈第傳詩在鯉庭

百回不厭日長哦度出金鍼巧若何宗匠信能扶大雅詞源從

許丐餘波魏公老圃吟懷健陸氏荒莊媿色多久欲酬知無一

當恰將下里報陽阿

昨以拙稿繕獻蒙  
師賜題過承激獎

### 渡盧龍

少年嘗透是離愁  
弄筆平輕萬里侯  
奉使何心隨博望  
退耕久欲效田疇  
無情黑水冰生面  
已老青山雪滿頭  
不爲簡書敦促  
苦幾人乘輿作東游

### 渡灤河

曾無名勝足開襟  
載得閒愁比雪深  
千里雲癡山熟睡  
一川風峭水哀吟  
巖寒早徹儒生骨  
宿火全灰仕宦心  
親舍白雲空更遠  
漫隨官馬度榆林

### 出山海關

候吏戎冠識使星  
前驅安穩出重局  
石頭踞虎蒙沙赤  
山脈分龍入海青  
塹土僅通盤馬路  
瀦泉誰試養魚經  
古來天險君休問  
不獨街亭與井陘

### 悔餘菴詩稿卷四

二

半畝園  
藏書

### 宿前所

吸雪噴沙夜半風  
圍爐矮屋耐冬烘  
濁泉注茗涵深碧  
凍蠟垂花迸小紅  
邊氣橫生刁斗外  
海聲直落枕函中  
經旬扶病曹騰過  
已在榆林絕塞東

### 松山杏山二首

冰花蹴碎馬蹏僵  
日薄塵昏舊戰場  
風挾怒濤馳萬虎  
石銜殘雪卧千羊  
驅丁自獲天神助  
卸甲非關地勢強  
勝負由來無定局  
莫將眾寡決興亡

三重岡隴扼西東  
八堡旌旂在眼中  
大帥不圖成阱虎  
小人容易化沙蟲  
軍聲尚鼓濤頭白  
土色疑含戰血紅  
誰信當年全勝地  
平原無險眾山童

遼西道中二首

枕江倚嶺起書樓，豈分拋書事遠游。著作名山輪片席，行藏大海落扁舟。煎膏已惜殘鱗角，食肉何因羨虎頭。今日衝寒二千里，黃沙白雪莽生愁。

烽火驚心度歲除，強支羸病赴官書。酣眠安得中山酒，穩坐翻思下澤車。傀儡登場行復爾，胡盧依樣問何如。只慙十載潛郎署，報稱酬知事事虛。

閭陽驛望醫巫閭

扶輿元氣逼天還，歷劫難銷積鐵頑。獨有一州當重鎮，豈惟五岳是名山。六重眞面何由識，萬卷高蹤未易攀。知我車箱支病坐，好峰無數不開顏。

寄內二首

悔餘舊詩稿卷四

三

半畝園  
藏書

官如傀儡聽牽絲，乘傳東征未可辭。千里旌隨雪遠，一時別緒似雲癡。病情深淺勞相憶，客况溫涼要自知。恰憶臨行頻勸我，江山雖好莫吟詩。

吹噓不覺氣如煙，砭骨風嚴雪後天。棱角森然冰踏裂，輪蹄弛矣鐵磨穿。九迴腸與山同曲，一片心如月正懸。寒入被池疑潑水，長宵多分不成眠。

涉柳河溝渡大凌河皆遼東險道也平安徑過詩以志

幸三首

鶴訝今年雪重馬愁，明日泥深一步難。於一步不知天地何心，手版紛投似雨肩。輿飛走如風到此，泥帶水不曾饒過王公積水滿坑，滿谷飛凌如屋如山。病險還經地險，今朝微倖生還。曉發半拉門，霜花積厚寸許，征途所尠見也。賦詩以志。

歷盡嚴寒未到家五更鈴鐸又登車雙輪碎碾瑤瑤路萬木新  
開霧縠花不解漫天飛作絮恰宜覆地淨無沙冷煙忽斂羣峰  
出東海紅藍漲曙霞

回都志喜二首

扶病長征藥少功支離容易到遼東眼光不覺漫天黑心血無  
端嘆地紅從此胸中無宿物幾將身後累諸公鳳城已分飛難  
返今日生還與夢同

寓園草木已回牙生意蓬然客到家乍脫沈疴如釋縛暫容休  
沐當懸車墨朱出入閒雙管紅綠高低品萬花行藥莫嫌腰腳  
更勝於病榻卧天涯

送袁厚安同年奉諱旋里

私事公言本不謀短狐何影使人愁揣摩信有通天技睚眦翻

悔餘菴詩稿卷四

四

半畝園藏書

成宿世讎朋黨甚於河北賊功名何似海西侯龍泉猶喜能知  
我溫嶠難甘第二流

一月分攜未覺長如何轉眼有滄桑豈知蕉亦彈修竹始信梅

眞聘海棠時厚安考差引見改官主事不能明其何故又方繼要左氏緣業前生酬愛怨宦

名後路聽沈揚獨憐歸殯淒寒甚去將何慰北堂

一般師子一般跳漫論黃超與白超頂上圓光渾不減胸中磊

塊可能消鏡無匿影心常白琴得知音尾已焦閱世不移眞氣

骨好爲羅剎敵風濤

辛苦圓成十種仙罡風吹斷舊班聯美人幽谷勞相憶才子長

沙併可憐光蝕蝦蟇非月病氣奔虹蜺尙雷癩何時攜手長安

市共擁花枝對酒眠

乙卯六月四日抵里志喜

一去鄉關十七年歸來間巷尙依然歡聲迎路如雷動笑面生  
輝比月圓牙節雙持誰復羨腰纏萬貫我能捐最難八十慈親  
健喜著朝衣舞膝前

乙卯八月二十七日省墓黃山二首

秋色和雲起松風灑面寒山禽窺俎豆村犬吠衣冠境靜神靈  
妥家貧似續難九原如可作清白勉當官  
宰木婆娑長睽違十七年又添新塚墓不改舊山川繁藻香含  
露松楸冷抱煙音容如在也曾不隔重泉

題虞山錢仲謙最玲瓏山館四首

槎枒竹石吐胸中布置蕭疎與畫同高卧居然游五岳虛名久  
已薄三公樓前一葉輕帆落檻外千花碎錦叢眼福不慳容飽  
看璇題果稱最玲瓏

悔餘菴詩稿卷四

五

半欲園  
藏書

夜起長虹徹斗南謾觴新闢讀書龕描摹風月何嫌酷收拾煙  
霞不覺貪淨綠只愁無處唾汗青恰喜有人談吾邑吳君冠勞  
英時寓園中  
君爲我傾家釀未飲蘭醪意已酣

主客無非曠世才松關肯爲俗人開南州高士常懸榻北海良  
朋共把盃君與冠英爲  
詩畫知己千里煙波融畫髓六朝金粉結詩胎早  
知入境兼清絕不是尋花也一來

蠟屐平生喜縱游卜鄰何處築菟裘一麾江海催人去四望溪  
山令我愁未得平原留十日願從表聖記三休相思已辦郵筒  
在元白無妨競唱酬

次趙次侯宗建見贈韻

不爲登高爲底來重陽同趁菊花杯長身玉立風前竹妙語冰  
清雪裏梅赤水探珠輪獨得青山著屐願追陪少年已結千秋

想出手居然著作才

糠粃媿我在君前天許風雲不論年行領華班排玉筍更從采  
殿撤金蓮買山早起三層閣次侯所居園林極妙更於北門依山起閣裝酒還浮百  
斛船乘輿拏舟容訪戴醉吟相與傲飛仙

九月十二日趙次侯見招及錢仲謙棠吳冠英備李申

蘭子壽汪友梅尚錄吳肖陶 同遊虞山晚歸飲仲謙

墨隱園賦此以記

一峰迎我來一峰招我去白雲扶我行屐齒畱不住初游破山  
寺心證唐賢句通幽開曲徑花木紛遮護迤邐入三峰深秀漸  
披露既作山中游欲盡山中趣萬綠莽如海中有蛛絲路竹泉  
清可濯苔石滑難步直立千歲藤橫卧六朝樹松杉間楓楠堅  
老不受蝨大才多沈淪長身極驕倨樹爭藤薛長花挾邢尹如

悔餘舊詩稿卷四

六

半畝園藏書

芙蓉媚新客媿紅爛無數小憩息腰脚媿我濟勝具豪哉趙公  
子人得江山助爲山作主人約客忘世故肉食厭腥羶行厨薦  
蔬茹相當好天日無風復無霧登樓縱遐矚指點互告語巫相  
及齊女約略有遺墓山川不能言何暇事考據屯兵蝨石壘傳  
是張王戍僭竊安足道無使吾耳污靈境無盡藏一一要目遇  
失奇防後悔賈舅競前赴同行六七人筋骨各堅固赴山如赴  
敵一往氣猶怒斬石闢劍門萬劫僵不仆闢如奇鬼闕縲若飛  
仙駐踞虎欲跳盪蟠虬儼回互玲瓏片片碎臙腫塗塗附將無  
斧鑿劔盤古手自厝徘徊倚劍立茲山最奇處相去無百里此  
來方一顧落日藉湖水惜哉天易暮籃輿頗輕健截竹做籊籊  
輿人量肥瘠祇愁坐者錯山行更水行扁舟問歸渡今宵當痛  
飲餘興盡傾吐入門酒正沸班席燈已炷主客談杭州湖山起

人慕行將道浙江蠟屐吾其庶名山無大小曲折名乃著捫蘿  
從此始啖蔗安能遽正如學佛人由漸而入悟吾身猶病梨兒  
抱煙霞痼異日挂冠回鄰山足園圃無嫌俗吏俗將卜寓公寓  
佳處畱茅菴山靈不吾拒

琴川卽事四首

五馬踟躕不爲羅鷺鴻一瞥問如何小家碧玉嚴妝少大道青  
樓薄命多判別薰猶安可誤平章桃李未嫌苛連漏彩翼隨風  
下山館分明似鳳窠

蜨媒飛舞四城忙一斛明珠未易量醕酒婦人無此願色絲女  
子果誰當蓮花作酌心偏苦芝草無根骨自香白眼看天天不  
語小星三五乍生芒

眼界浮華久已刊國香思乞夢中蘭傳詞青雀情猶密聽唱黃

悔餘菴詩稿卷四

七

半畝園  
藏書

雞意漸闌人可畫圖原自少事經閱歷始知難尋花不比尋詩  
易真笑鮎魚上竹竿

照眼花枝別樣紅自然擡舉要東風環肥燕瘦無高下筮短龜  
長有異同採訪久經勞地主因緣本自聽天公千金一擲尋常  
甚難得雙珠落掌中

仲謙索顏其軒題曰抱雲并紀以詩

奇石如雲割取來抱雲一覺亦佳哉園林嘯傲無非福文字因  
緣不待媒喚月監行金谷罰仗花扶起玉山頽無塵便作方蓬  
想我欲高眼避劫灰

畱別仲謙冠英諸友二首

好風吹徧賣花聲十宿虞城掉首行比目只容攜鱖鯨梳頭何  
許看鶯鶯落英飄拂春無力殘月低回夜有情桃葉桃根自相

識王郎持檝要來迎時與內子偕行

西園文酒正依依久卧輕帆奮欲飛  
胖手只嫌流水急寫眉漸  
覺遠山微仙裳遲解雙珠珮  
行篋虛緘五色衣一葉扁舟吾  
不負載花無著載詩歸

次侯疊韻送行仍依韻報別

近替三峰作主來次侯為三樓臺光照落成杯傲霜正綻沿籬  
菊鋤月新栽繞屋梅稱意煙雲為供養多情花鳥作賓陪  
谿山點綴須佳語妙境還應屬妙才

難得親朋在眼前好將談笑送流年  
酒芒醉吐胸中竹詩蕊香生舌底  
連燕頰漫投班氏筆虹腰長抱米家船  
湖山冷看風塵吏遮莫回頭羨地仙

看花

梅餘詩稿卷四

八

半畝園藏書

世事消磨出世才眼中著物盡灰埃  
身騎蝴蝶隨風去足踏蟾蜍入月來  
爛漫桃花開笑靨團圍桂樹抱香胎  
不教人折教人看飽看何妨更一回

三疊前韻寄次侯

三峰險處鬪詩來邀月聽詩並舉杯  
摘豔未妨偷屈宋齊名或許附歐梅  
折楊豈竟無人和看竹何嘗要主陪  
子與冠英初訪次侯不值徑入  
東泉園游歷一編便欲結園相倚住  
只爭山水不爭才

畫鷁如人不肯前離思一刻抵經年  
丰神占斷和烟柳氣味融為出水蓮  
玉局寄家須買宅銀灣得路自通船  
送君去咏霓裳曲偕我歸山作散仙

次侯屬題東泉紀勝圖即次自題原韻東泉為巖忠宣舊墅

鼇戴三峰蘊海隅人鍾清氣自然殊  
文山不礙娛聲色輞水真

堪入畫圖八桂香凝英魄在三槐影落裔孫無名園但與名流  
守何必吾廬定屬吾

會聽風雷起鬣蟠拳雲手出五雲端世家喬木清芬遠老圃寒  
花晚節難鄴架書新能盡讀雍門琴苦莫輕彈亢宗自作光前  
計氣誼文章兩不刊

一家三集盡詩豪林立詩碑冠巨鼇石亦軒然如欲舞觚非率  
爾便能操九英梅妬分光麗十丈蓮矜得氣高門第清華文采  
勝剡箋蠻楫爲君勞

十月望日再泊琴川次侯以菊花招飲四疊前韻爲謝  
山銜明月送秋來秋滿樓臺月滿杯傲氣侵人陶令菊化身著  
我放翁梅詩情飛動銀蛇活談概清森玉塵陪不羨君才羨君  
福饒君一石盡量才

悔餘菴詩稿卷四

九

半欲割  
藏書

雷取寒花伴酒前花如人壽已中年色香世界三天竺游戲神  
通陸地蓮七寶同裝才子座一帆快送孝廉船雲窩莫戀家山  
好身到蓬萊始是仙

吳冠英

備

出示高麗使者李藕船

尙池

樞院手書一冊

索題

并序

高麗使者李藕船樞院以第一人及第屢使上都詩  
名籍甚所交皆一時風雅士冠英吳君與之游契分  
頗深得所投詩札及當時問答語裝池成冊以志墨  
緣此道光戊申春季事也咸豐乙卯冬十月余之任  
建昌冠英亦將出山鷹官赴滸余邀與同舟素心晨  
夕塗次出此冊見跡并索標題竊意人才輩出無間  
華夷文軌大同不殊風氣抑且外交弛禁杯酒從容

此十餘紙固藻纘昇平之一概也爰題七律一章  
以當贊歎風雅可傳附之不朽

奎壁分光照使查海東人物似中華江山無恙各千古風月有  
情同一家密契端如蘭共梗離思最是杏初花使人以十二月初旬來二月初旬去定

當時主客兼三絕珍重餘芬落齒牙  
例如此

趙次候新亭索名榜曰鋤月并系以詩

梅花三百樹香雪擁書龕鐵笛詩同脆銀鑪酒易酣天寒教鶴  
守夜靜縱雞談姑射仙居遠相思何以堪

題騎牛學稼圖二首

一犁新雨足無事儘婆娑老子騎牛穩癡人夢鹿多經營須負  
郭安樂當行窩試問隆中客躬耕意若何

志不在溫飽斯言亦我欺安能煮字喫便足療人饑甯相歌堪

悔餘卷詩稿卷四

十

牛畝園  
藏書

續陶公釀正宜不知蝸角上蠻觸欲何爲

過嚴子陵釣臺二首

真龍同學服公狂狂態猶龍未易忘能使客星驚帝座不將卿  
月羨君房高蹤遠脫崇山鉞暮齒虛誇渭水璜絕跡漢廷名更  
重釣名翻惜釣絲長

大好谿山割富春居然天子不能臣久知經濟貪相助未肯阿  
諛屈此身小隱便爲千古計虛名自誤六朝人釣臺歷劫巍峩  
在終勝雲臺化劫塵

湘人姪謂羣山臨水如渴飲者余以語可入詩賦此示

之

羣山如渴飲一一俯清江遠激風吹萬低銜月印雙羊腸波曲  
折鹿角石衝撞小阮詩情健龍文要獨扛

篙師舉篙其聲慘怪舟身圓大首尾皆銳陋劣頗甚殊  
與谿山不稱作此解嘲

邪許聲相和胡盧笑不禁莫驚山鬼嘯自作水仙吟松竹無寒  
態茅茨起羨心畫圖如寫得尺幅抵千金

擬絕命詞十二首

丙辰十月二十四日

前生緣孽應償畢末路英雄自斷難 主眷親恩無報答九原

回首祝平安

我愧妻孥死已遲丈夫原不為情癡一門忠烈人間少地下無

慚慰語時

死有餘辜豈為名衰親弱女負恩情平生結客輸肝膽誰是真

交范巨卿

荒碛纍纍寄九棺一寒至此索歸難人如傀儡憑天弄何苦登

悔餘詩稿卷四

十一

半敬閣藏書

場作好官

糠粃功名是素懷治貧有藥便歸來誰知黑劫三生定竟與青

山一例埋

酬知無地悔生遲生有微才不遇時蠶在繭中安得脫問蠶誰

教汝抽絲

天生佳偶世無多修到神仙易惹魔白首同歸無此分廿年行

樂悔蹉跎

感恩知己信兼之無以為情但獻詩更有廉能當實護兵無奇

正在堅持

合園分拒力難兼鄰郡無端忽解嚴從此鐵基都棄盡豈惟寶

塔不成尖

鬼神荒忽祝無靈誰見天公側耳聽死作閻羅吾自可更將餘

怒鼓雷霆

吁江鳴咽與人同血淚成冰水亦紅無可奈何翻一笑天心從古賺英雄

呼天自作不平鳴誰料天心更不平忠孝盡教磨折死自然臬獍會孽生

題劉仲實

清華

大令琴鶴自娛圖

玉山孕玉英瑤瑤劉侯有聲如玉調斷玉爲琴奏雲韶心聲指聲無不超無聲尤覺聲之高聰如師曠察如神冷庶幾援琴一奏天清明再奏人和平長養六穀消五兵行見景風爲之應慶雲爲之停東華老鶴飛來聽分糧飼鶴鶴在庭爲君抱子相和鳴我來玉山聞頌聲頌君之德攀君行曰君如鶴之壽琴之清

戊午元旦四首

悔餘壽稿卷四

七

半畝園藏書

激矢年光四十三轆轤心事與誰談雲屯戰馬旋奔北風送鳴臬盡徙南買鬪更無金可鑄解憂縱有酒難酣苦中真味無人識黃蘗分明似薺甘

丈夫磊落注蟲魚總爲窮愁逼著書聊復借杯澆壘塊未甘閉戶擲居諸一官已薄麒麟植百病難堪駟馬車正是西江春水長誰知鮒轍涸無餘

爲儒垓壘爲詩窮羅計磐牙隔命宮頽岸鯨鯢掀急浪失巢雕鶚入深籠一門鬼錄寃難雪兩邑神祠烈可風報怨酬恩無處所坐令千莫等頑銅

平安聊慰北堂萱著作樓高憶故園得失少陵千古事縱橫太史一家言遠遊尙借江山助近構難彌斧鑿痕薪盡火傳傳不盡昆明嬴取劫灰溫

次吳小磬述懷原韻

將詩度日漸成魔水部家風不媿何路鬼揄擲窮已慣天公顛  
倒恨尤多夢中攜手三生石淚下纏頭一曲歌逝水東流無計  
挽一生樂事悔蹉跎昨與君為友人稱壽優人演滿牀笏予乃忍淚而起

病滯玉山還赴省垣畱別蔣矩亭子檢 吳小磬清華 諸

子十首

浮萍入水會相逢飛絮無根只聽風何意玉山謀一面頓教銀  
海豁雙瞳書酬百番衣皆黑話過三更燭尙紅滿目干戈行不  
得此生乍脫劫灰中

爛漫春光轉眼空飛花無賴向人紅笙竿韻咽孤生竹琴瑟情  
慳半死桐世事驚心牛喘月鄉思回首馬嘶風百憂不信長能  
耐鬢髮斑斑然落鏡中

悔餘詩稿卷四

五

半畝園藏書

無情天氣互寒溫新綠齊抽宿草根塵起忽迷相望路風吹不  
醒未歸魂飛泉出峽生悲嘯顏日明山帶血痕坐倚孤舟紛振  
觸低回容易到黃昏

卅載委蛇見太平讀書無補轉談兵瘡痍依附成何事飲啄艱  
難誤此生合喚盱江為枉渚從知建郡是愁城已傳宋玉招魂  
曲猶起長沙痛哭聲

向窟狐嗥本不祥入門蛇鬪竟相傷黑風鬼國紛吹墜紫電神  
鋒黯斂藏墮馬漫稱三折臂聽猿早斷九迴腸不眠無計消長  
夜卻憶陳人夜更長

衾影都堪質鬼神命宮顛倒竟終身蘭蓀太潔難成子薑桂禁  
寒不厭辛未許龔黃同報最何如陶白解治貧癡愚只合沈冥  
老多謝知交激勸頻

深談慰我意拳拳且讀離騷莫問天自古文章出憂患果然忠  
孝勝神仙朝紳待展安時策夕火橫飛徹夜煙孤憤填胸消未  
得復讐長此枕戈眠

尸饗念母乞歸難莫楚頻吟刺鼻酸空使燕丹祈馬角誰知閔  
貢累豬肝天無老眼家門破地徧生毛郡邑殘求死翻愁無死  
所夜深扶病熟沈檀

知音相得自來遲天與才名不與時椽竹燒餘方作笛箔桑蝕  
盡始成絲窮愁養就虞卿筆離亂催吟杜老詩黃土從同青史  
異策勳原不繫官司

卧聽風聲復水聲浮生更比白鷗輕夢中百事無痕過身後千  
秋判命爭拔宅可憐雞犬盡搗巢要使虎狼平何時高枕聯牀  
語共續臨政不盡情

悔餘卷詩稿卷四

十四

半飲園  
藏書

和小蓉贈別原韻

錯難生鐵鑄燼又死灰然乞米侏儒飽登場傀儡牽何裨民疾  
苦未解佛因緣徹夜畱君語悲來總不眠

聞雞同祖迹躍馬愛幽并懷策兼文武君佐林文忠  
公幕最久登牀罷送

迎山城拘浪跡江水測深情莫遣相思苦緘書附驛程

謝友人勸飲四首

意氣狂如虎尊罍入手乾經營千日醉抵當十年寒明月隨呼  
到名花放量看開筵談往迹回首有餘歡

吳苑花如繡秦淮水亦香斷虹移畫舫飛鶴墮遙觴風雨開吟

社乾坤拓醉鄉豈知行樂地一例變滄桑

少年情有寄往事夢無痕鬢短新絲續心灰宿火溫沙蟲身未

化雲蜨氣猶奔時有高陽客頻來倒一尊

箭括年光速桃符世事新  
齒牙頰脫肝膽尚輪囷  
笑淺蛾眉月愁深  
馬足塵何時除痼疾  
醉卧大江濱

贈莊木生上舍

莊生栩栩化蝴蝶  
有孫食字爲蟬魚  
惟蟲能蠱自孳長  
網戶閒如蟲寄居  
長虹夜半起東市  
占氣絕倒波斯胡  
五萬軸三十車  
擘大小西收奇書  
墨花香豔泛四壁  
牙籤塞破瓜牛廬  
宋黠端巖苦難得  
料量棗棗工鉤橈  
謨觴善本析經緯  
小說九百遊虞初  
焉烏帝虎左右乙  
雙瞳炯射銀蟾  
支郎黃眼識者少  
智慧獨抱青嬰珠  
箭張酒趙亦豪傑  
願爲通俠無拘儒  
未能投筆追定遠  
曷不積產師陶朱  
黃金紙價兩懸絕  
孔方不受長恩呼  
吳鹽蜀鐵足沾丐  
何至煮字供饑驅  
釣臺卜肆襲高隱  
嚴夫子豈令人徒  
一甌借我破幽憤  
搜神點鬼忘朝晡  
不然腸府坐摧裂

梅餘菴詩稿卷四

十五

半畝園藏書

倚書爲命原非誣  
廿載青箱蓄鴻秘  
妖狐篝火焚無餘  
識字無多中天忌  
鐵搗三折胡爲乎  
一燈如豆冷相守  
罷吟始覺神魂孤  
王侯蠖蟻夢顛倒  
槐安苦戰思驅除  
沙蟲未化血讎在  
愧君慷慨貽陰符

木生以所刻長恩書室叢書見貽首太白陰經餘多兵家言

喜王窗山

文璋

楊素園

照藜

王守愚

惠寶

大令見過夜

話

僻居漸漸長新苔  
短夢于于憶大槐  
排闥清風攜客到  
推簾涼月聽詩來  
後生著述翻成例  
前定功名不論才  
檮櫟空山還得壽  
良材難避柏梁災

問天無語首頻搔  
各抱幽憂續楚騷  
綠蟻香消新壓酒  
白虹光鬱舊藏刀  
官如演劇歡難久  
詩不貪名品自高  
筆硯爲君焚未得  
南山文豹惜皮毛

疊前韻題窗山志隱居詩鈔

名稿多應勒海苔清班曾未對宮槐雲迎東野低頭拜月墮西  
江照眼來詩境艱深如宦境吏才磊落卽仙才一編定有神呵  
護寶劍終逃武庫災

快意真如癢處搔靈源一派衍風騷飛揚文苑能扛鼎坐擁書  
城不夢刀器識果然先四傑襟期久欲伴三高洗花頗有憂時  
作容易新霜點鬢毛

三疊韻和素園窗山

買夏錢鋪點砌苔招涼幄展覆檐槐無憑亂夢和雲起不斷新  
愁犯雨來蛩駝已違偕隱願虎彪甘讓濟時才魯門鐘鼓休相  
聒戢翼爰居偶避災

宿癩長在枉爬搔孤憤難平更反騷合眼但謀劉墮酒同心欲

悔餘舊詩稿卷四

十六

千秋閣藏書

贈呂虔刀眾咻終覺齊人少寡和翻愁郢曲高多賴王楊工韻  
語解憂莫遣舌生毛

四疊韻和窗山素園

兔葵燕麥簇荒苔如沸蜩螗抱綠槐觀弈自知當局誤耽書直  
見古人來雕龍要作千秋計展驥終非百里才會見文星照磨  
蝎與君爲福不爲災

雪竹生花不復搔風來空穴倍蕭騷愚無可解移山雷愁豈能  
開斷水刀月在波心原是幻雲生俗頂易爲高鵬搏鳩搶還相  
笑愛爾從容養鳳毛

五疊韻謝窗山素園子澍見題拙稿

蒸生芝菌溼生苔鑽火紛從棗杏槐燒燭忽驚蛾四起吹簫還  
引鳳雙來課虛責有真神技化腐爲奇定鬼才詩解窮人窮亦

聽讖除綺語當禳災

技癢時時信手搔文章不幸似離騷青編零落沾殘粉黃壤沈  
埋怨大刀遺卵可憐么鳳弱齊眉終愧伯鸞高流芳須乞才人  
筆悽絕黃門感二毛

六疊韻和子澍窗山素園守愚

坐倚蒼松卧綠苔浮榮原不羨三槐山中雲懶風吹出江上潮  
昏月送來迷幻鹿蕉驚是夢矜持虎竹愧非才諸君久抱安時  
略何術能消四大災

初生癬疥誤於搔病老難治轉屑騷虎卧誰抽都尉矢龍盤空  
鑄赫連刀上方請劔行何畏下澤求車去亦高知已莫辭相見  
數近來名紙漸生毛

七疊韻招窗山素園子澍守愚

梅餘菴詩稿卷四

十七

牛飲園藏書

寒梅偃蹇翳莓苔得氣何如百尺槐宦海浮沈愁裏過家山重  
疊夢中來無歸刻骨思歸計漸老甘心讓老才文字吉祥終勝  
我妖星飛度不爲災

自憐短髮不勝搔乞米虛生北郭騷金注易輸輸瓦注銀刀無  
用用鉛刀世情宛轉從風靡夜話清涼入月高且復隨緣同嘯  
傲此身輕重一牛毛

病瘡招窗山諸君閒話八疊前韻

肌膚起粟舌生苔卻病何方索響槐無定炎涼隨世轉不平風  
雨破空來盟鷗有約嗟如夢畫虎難成媿不才劫火餘灰家已  
燼一身飄蕩未爲災

自知痛癢倩誰搔無術招魂枉誦騷五夜淚痕浮枕簟再生心  
事注弓刀慈萱望子情偏苦叢桂留人計最高養志未能歸未

得泰山恩重報鴻毛

九疊韻招窗山諸君小飲

鬢髻短髮似纖苔  
臃腫閑身比癭槐  
抱甕不須偷酒去  
攜囊正好販詩來

窗山戲子詩有餘材可供人販煙雲變幻無留影風月消磨有用才

長遣故山猿鶴怨  
桃花先我避秦災

心癢還如樹怕搔  
風吹兵氣更騷騷  
大言枉自誇長劔  
小敵誰

曾鬪短刀能作傳  
人何必宦不談時事  
豈非高凌霄六翮  
遲公

等襪稊眞愁腹背毛

六月廿六日招窗山守愚素園子澍小飲取別十疊前韻

勸飲驚看塌井苔  
更無塵夢繞官槐  
大山旣作小山作  
舊雨不來今  
雨來清酒三升聊  
破寂奇文一石競  
量才同舟從此無  
吳

海餘菴詩稿卷四

十六

牛畝園藏書

越轉糴鄰封互球災

鬢絲亂落豈因搔  
痛飲無聊更讀騷  
巢鳳安知隨燕幕  
解牛深悔用雞刀  
萍蓬入海蹤難定  
竹柏凌寒節自高  
行矣敬輿三不負  
索癩原可聽吹毛

蘋果四首和王窗山大令韻

田田佳實綴芳陰  
梨白桃紅校淺深  
丹鼎神功圓抱卵  
綠衣媵送豔來禽  
點茶靜可參禪觀  
解酒清宜導醉吟  
豈但瑤光化仙

李星垣分種到如今

綃巾未解鼻先知  
蘆蔔前身我信之  
蠲疾最能醫熱客  
流芳眞可號香兒  
日精爛漫從天墜  
風實甘鬆極土宜  
只合荔支爲勁

敵後來橘柚許肩差

隨刀改味儼如何  
蘋實流傳記郢歌  
白透香肌憐楚潤  
紅舒笑

麝對黎渦指痕宛宛藏難久牙慧津津借已多卻怪櫟園貪數  
典竟誇北地產頰婆周櫟園闕小記指此爲頰婆果誤也

憑仗園丁灌溉勤脆於冰雪奕於雲精華孕玉愁函裂顏色疑  
脂訝酒醺名重文官應絕品情深媚子愛平分雅材別注羣芳  
譜清聖教題孤竹君

### 疊前題原韻

靈星磊落絢繁陰太液培根得氣深本草異名遺藥獸羣芳別  
派寄林禽神農師藥獸而知醫本草既不收此種草木異名疏亦不載羣芳譜以爲林禽接枝變種也采同  
榲栲輪清韻香似榲栲熟亦同時弄比葫蘆伴苦吟先出一種色形較扁都市中呼爲葫蘆蘋仲寶自來工隸事新詩典故始於今

從今百果讓都知國色天香並擅之三影李妍容作婢半含桃  
小合呼兒神珠有價酬何惜奕玉無瑕抱亦宜省識西施醉時

### 悔簫卷詩稿卷四

十九

牛畝園藏書

面蘇臺手捧詫夫差北容載至蘇州色香味俱退而索直甚貴

崖蜜輸甜妙若何潤於糖卵最宜歌京師四時皆具歌筵首登此品瑤英肌薄

香都澈瓊樹顏韶笑有渦入窖經冬偏耐久論園買夏也貪多

十年冷嚼燕山雪勝撥爐灰啖芋婆

三接枝頭守護勤手拈團月擘叢雲味融融雪牙應膠色映流  
霞骨亦醺贈遠一奩愁絮敗推甘四座許瓜分佛花仙茗羅清  
供枕畔還宜伴鄂君

### 三疊前題原韻

聽鷗最愛樹陰陰舉似黃柑味更深光湛龍珠初出蟄色浮鸚  
羽不離禽用林禽變種意掌中圓轉旋風舞牙後甘寒嚼雪吟筠籠擎  
來綃帕裹春明夢好非今

枝頭生熟烏先知淺綠輕紅孰染之名誤無雙呼豔婢劉無電婢名采

歌誇第一賞京師伶人仿座必索時果不食他物嘖山甜雪安能勝粵海

薰風最不宜窗山言海船載至粵東索取重直惟南風作則減價速售稍遲即已爛不中食消渴文園

應苦索相思翻惹病難差此為相思果

拈來一笑問如何恰稱團雲散雪歌香結麝膺嚴繡裏癡疑獺

髓粲鈿渦禁林異種疑平仲精舍新栽羨蜜多雲摩蜜多建立精舍種榛千株

種即奈子最是高園涼月下晶盤對酒聽鞞

南方得種枉辛勤漫把胡盧問陸雲郁李同心酸意透核如郁李仁近

核處仙桃比臉酒痕醺毫蒙賜矜朝列南書房翰林每蒙

吳和甫太史頌以分道此其一也玉手推甘記夜分一自清淮帆影斷媚香長

此憶香君

夕陽四首次窗山原韻

息影韜光總聽天桑榆翻覺受恩偏霞侵醉色頰紅玉風聚炊

悔餘詩稿卷四

香沍紫煙書閣高憑猶照字估帆低卧乍收船羲和未就虞淵

宿獨抱金烏戲海邊

澹輝鴉背羽參差送煖殷勤到北枝掩映雷峰宜入畫遲回花

鳩獨工詩梅宛陵最愛花鳩夕陽易過戶隙駒無迹欲下簾鉤

燕已知杜詩斜日細柳垂垂西望迴依然眼纈炫金絲

黃昏漸近雨初休飛起虹霓繞上頭丹雘傾誠猶獻媚青萱含

笑自忘憂萱花亦朝一規畫的摹來似百尺長繩繫得不嶺樹

汀花紅不辨倒翻石壁入江流

恆河沙界盡金光涌地疑安七寶牀樓可曝衣窺鵲渡門多曬

網認魚莊蒼涼鼓角山城晚歷亂輪躡驛路長唱罷黃雞還一

笑織烏暮暮比人忙

題莊木生上舍蒲團小影并序

丁巳夏日寓章門木生居士以叢書見貽既爲詩以報復出此圖屬題維時溽暑斷客熱風醉人摩几生烟淡衣瀉雨於是磨墨伸紙握筆如飛聊以取快一時我用我法木生作此圖時初不計有此詩僕作此詩時亦不計爲此圖至於詩何格律字何體裁尤所不計安知五十年後不有嗜痴如木生者讀此詩識此字以爲此何先生創體詎不勝於杜工部關奴王右軍竈養耶且僕胸中指中拂拂有不平氣此生氣也著物不腐當使長恩慎守之無爲蝨魚所食

昆明劫火燒不死廣莫罡風吹不止出泥入雲安所恃吁江一跌深無底破甑何堪回首視刺我無歸與僧似徑欲披緇從釋氏漆園仙裔木居士文室莊嚴清不滓寂若嬰蜺巢鹿耳漱隘

悔集卷詩稿卷四

三

牛畝園  
數書

未妨居近市貝玉離離珠纍纍問價紛馳慕羶蟻君獨食貧無一技蝨魚顛倒書叢裏手拓綠天貪種紙以紙爲田筆爲耜舌耕目耕聊復爾搜盡包山窮涇水晉時汲豕探奇偉曹家石倉開邈迤玉躑璇題銜甲癸四部隨身左右以元鈔宋槧工摹擬一編脫手千人喜醫俗靈丹饋貧米人生流宕無根柢物亦有然疲轉徙插架非無鄰侯李墜之鸞之猶脫屣誰是杜兼佳子弟儲藏重等名山度傳之其人庶其企黼黻文章時有幾宰相讀書吁晚矣林忠吳節二公箕斗倚獎借從來惜牙齒何意中郎識焦尾登龍長價高倍徒附驥成名動遐邇不是懷冰清入髓安得真儒枉知己長鍊不彈二十紀蓼蟲食苦甘於薺憂患多從識字始儒衣何怪貧如洗大言鯢鵬小言蟻口腹營營胡所底癡人更笑憂天杞烟塵蔽天眼睽禍福榮枯可知已負

腹何傷肉食鄙但惜多才累孔繭少游款段依鄉里遠勝伏波  
收薏苡福自誰招禍誰弔如君筮泰我筮否薄命飛來市中矢  
正氣騰爲日旁珥忠孝屹然山嶽峙自愧不如兒女子拔劍哀  
歌歌變徵從君爛讀廿四史未有奇窮窮若此佛行儒修無二  
理散盡天花不著體願與維摩參此旨達哉干木高不仕眠食  
無災抱天咫松石儵然映衫履長恩守舍司收啓百城獨擁尊  
無比肯以鉛丹換金紫坐破蒲團君莫起

爲黃子尙寫竹

有直節無曲性左之右之無不正文貞斌媚乃其勁武侯從容  
乃其慎卓哉古君子之行立足不於捷徑行致身不以他塗進  
風雨霜雪天所命此君虛心靜而聽斯言無徵將不信石證此  
君君我證

悔餘卷詩稿卷四

二五

半畝園  
藏書

題孫叔廉

麻樵

上舍客窗懷友圖

濫飲無好酒濫交無好友葡萄換涼州珍重只十斗青帘揭村  
郭三白隨處有良友如醕醪心醉日以久相思不得面欲飲不  
到口南郭隱几坐嗒焉喪其耦安得流霞漿一杯常在手安得  
素心人晨夕淡相守泛泛誰與言桃人逢土偶悠悠未可知白  
雲變蒼狗惟有君子交不落古人後總角一相知纏綿到白首

題鄧八彌之

輔綸

臨川歸轡圖

淮陰善將將絳灌非其儕班生趣奇功投筆辭蘭臺少年心目  
中豁達無伊萊壯氣日初旦塵霧安能靈仲華志竹帛策勳踐  
三台南陽著功闕世有匡時才公子抱仙骨生自麒麟胎禹疆  
阻弱水去船風引回攬轡誓澄清挺身當虎豺蒼鵝兆兵禍紅  
羊飛劫灰連城盡摧破戰騎皆虺隤拔戟成一隊此行何壯哉

談笑山岳動叱咤煙塵開轉鬪穴中鼠成禽井底蛙熊貔恣擊攫  
攫燕雀紛嫌猜狙喜忽狙怒狸攫仍狸埋天恐失金玼一噉呼  
歸來慷慨脫長劍跌宕傾深杯胸中不平氣一觸癩如雷畫師  
亦槃礴出手何奇瑰含淒水猶咽積憤山欲頽班馬踏無聲寂  
若夜銜枚蕭條作歸計身世兩不諧何以持大局觀奕徒衷衷  
何以支大厦愛惜梗楠材長沙善論治中壘工言災三策奏屯  
田六符陳泰階抱才會有用同岑生異昔行矣勿復道各聽天  
安排

登鶴嶺觀二首

烽火通宵赤煙塵戰未休鬼神無可問天地不勝愁山氣能爲  
雨泉聲盡帶秋憂懷何處散復此一登樓

老鶴去無影頑仙睡不醒蓬萊雲外碧松檜雪中青怪石應能  
語眞丹不在經焚修有同契鐘磬動蒼冥

梅餘庵詩稿卷四

三三

牛敏園  
藏書



